

COUTUMES  
ET  
ORDONNANCES

ÉTATS DE TOURS

—  
STYLE  
DU PARLEMENT  
DE PARIS

OE<sup>xv</sup>  
558

RÉSERVE







STUMBS  
ET  
FRANCS

DETOURS  
TYLE  
LEMENT  
PARIS

EX  
688  
SERVE



67857. **Etats de Tours.** Cest l'ordre qui a esté gardée (sic) à Tours p<sup>er</sup> appeller devant le roy nostre souverain seigneur ceulx des troys Estatz de ce royaume. Sans lieu, ni date (1484). Pet. in-fol., gothique à longues lignes, rel. pleine en mar. brun du Levant, à nerfs, fil. à compart., dent. intér., tr. dor. (Reliure de Capé). 200 fr.

Livre de la plus grande rareté. Il est imprimé avec les caractères de gothique bâtarde dont Jean Du Pré s'est servi à Paris en 1483 pour les Nobles malheureux de Boccace. Cette relation ou procès-verbal de la session des Etats de Tours, avec les harangues qui furent prononcées par divers personnages en cette occasion, a été imprimée à l'époque même. On a prétendu que ce serait là le premier livre imprimé à Tours et que Jean Du Pré se serait déplacé en cette ville comme il l'avait fait l'année précédente à Chartres. Le fait ne nous paraît pas bien prouvé, car les filigranes, qui sont


l'étoile à huit rais, le P gothique à queue retournée surmonté d'une petite croix, un P tréflé plus petit et l'écu fleurdelisé, ne constituent pas des marques du papier tourangeau, mais bien de papiers couramment employés par les imprimeurs de Paris et ne viennent pas justifier cette assertion. — Cet exemplaire a appartenu à M. Taschereau et a fait partie depuis de la collection de Benjamin Fillon. Selon une note de ce dernier mise en tête du volume, la Bibliothèque Ste-Geneviève posséderait le seul autre exemplaire connu de ce livre rarissime. Il en existerait un troisième qui a été vendu en 1845 et qui est passé ensuite dans la collection Ruggieri. Les exemplaires sont différents et ne contiennent pas tous les mêmes pièces. Celui de la Bibliothèque Ste-Geneviève est le plus complet des trois. Il contient, après le double cahier *ee*, un cahier de 4 ff. intitulé : *Response faicte et prononcée par Mgr le Chancelier aux troys Estatz, le roy présent*, qui ne se trouvait pas dans notre exemplaire. Ce discours a été refait par Pilinsky en fac-simile tellement parfait qu'on ne peut s'apercevoir de cette adjonction sans en être prévenu et qu'on peut s'y tromper et prendre ces pages pour originales. L'exemplaire Ruggieri, qui a atteint près de 500 francs, se terminait comme le nôtre par une harangue de Jean de Rely finissant ainsi : « *Pronunciata per me Johannem de Rely canonicum Parisiensem coram rege et dominis principibus pro deputatis trium statuum regni. In civitate Turonensi die jovis xij february, anno dni Millesimo cccc.lxxxiiij.* » Cette date de février 1483 correspond à 1484 (nouv. style). L'impression a dû être faite peu de temps après. L'exemplaire de Ste-Geneviève contient de plus un acte de collation du procès-verbal : *Collacion par nous faicte avec l'original en ceste forme en papier, signé J. Robertet, etc.* — TRÈS BEL EXEMPLAIRE.

Extrait d'un catalogue de Claudin  
libraire rue Dauphine, du mois de  
février 1897.






























(piu 2)



# Es ordonnances royaulx nouvelle

ment publiees a Paris de par le roy Loys. xii<sup>e</sup>. de ce nom. Le. xiii<sup>e</sup>. iour du  
mors de Juing. Lan mil. CCC. xcij.





ORDONNANCE DU ROY

Sur le rapport de son conseil, a ordonne







**P**res par la grace de dieu Roy de france. Sauoir faisons a to<sup>9</sup>  
presens et aduenir que nous considerans come ainsi que iustice  
est la premiere et plus digne des vertus cardinales aussi est elle  
la principale et plus necessaire partie de toutes monarchies Roy-  
aumes et principaultez bien conduictes et ordonnees par laquelle  
les roys regnent et les seigneuries sentretiennent quant ilz la  
font bien et deuement rendre et administrer a leurs subgectz selon  
quil est ordonne de dieu et quilz y sont tenuz. Et que ainsi que ce  
royaume par la grace de dieu est le premier et mieulx doue de toutes choses que nulz au-  
tres Aussi a il comunement este de tout temps mieulx regy et gouuerne que nulle aultre  
monarchie en iustice Laquelle pa este iustement et egalemēt administree a tous sans ac-  
ception de personne Mesmement entant quil a peu toucher les desirs vouloirs et affe-  
ctions des roys noz predecesseurs lesquelz en eulx voulant acquicter enuers dieu et leurs  
subgectz ont fait et establi plusieurs bonnes saintes iustes et tresvtilles constitutions et  
ordonnances pour a lhonneur de dieu faire rendre et administrer deue et vraie iustice au  
peuple et subgectz ql leur a comis. Et oultre de ce pour icelles faire mettre a deue execu-  
tion ont ordonne et establi en tous les quartiers et prouinces de ce royaume grant nom-  
bre dofficiers de iustice tant souverains q aultres lesquelz ilz ont bien et grandement sa-  
lariez sans ydoloit aucune chose esparagner pour le bien de leur peuple En quoy ilz ont  
bien voulu autant employer et despendre que plusieurs aultres roys et grā princes ont  
de reuenue dōt avec les aultres bones oeuvres ilz ont acquis et merite sur to<sup>9</sup> aultres roys  
et princes le nom de treschrestien. Touthesfoys pource que nous auons este aduertiz que  
tant a loccasion des guerres et diuisions qui ont parcy deuant regne en cedit royaume:  
come par la faulte et negligence de plusieurs noz officiers lesquelz ne gardent pas si son-  
gneusement quilz deuroient icelles ordonnances ains en contreuenant a leur sermēt et au  
deuoir de leurs offices font maintesfoys le contraire. Et aussi pource que selon la varie-  
te et changement des temps plusieurs choses pourroient estre adioustees ou diminuees  
ausdictes ordonnances pour le bien de iustice et de nosditz subgectz. Parquoy nous qui desi-  
rons sur toutes les choses mortelles que de nostre tēps et regne nosditz royaumes et sub-  
gectz soiēt bien regiz et gouuernez par bone et deue iustice et police auōs fait venir et assem-  
bler en ceste nostre ville de bloys aucuns platz p̄sidents et p̄seillers de noz cours de parle-  
mēt de Paris Tholouse Bourdeaulx. et aussi aucuns noz seneschaulx et baillifz. Lesquelz  
avec nostre ame et feal chancelier nostre ame et feal cousin et conseilher leuesque dalsby  
Aucuns de noz chambellans et les gens de nostre grant conseil a ce par nous comis et or-  
donnez Ont entendu vacque et besongne aux choses dessusdictes en tresgrant soing cu-  
re et diligence par plusieurs iournees et ont mis et redige par escript plusieurs pointz et  
articles pour le bien et acceleraciō de la iustice prouffit et vtilite de nosditz royaume et sub-  
gectz que depuis nous auons fait deoir en nostre presence et de plusieurs princes et sei-  
gneurs de nostre sang Par le cōseil aduis et deliberation desquelz et aussi de noz dessus-  
ditz conseilher Auons de nostre plus ample puissance et auctorite royal fait et auctori-  
se faisons et auctorisons par cestes a tousiours pour ordonnances fermes et estables



Lesquelles nous voulons a tousiours inuolablement et sans enfreindre estre gardees entretenues et observees de point en point par nos officiers et subgectz sans aucunement y contreuenir selon leur forme et teneur. Et pource que la premiere et principale partie de iustice cest religion pour laquelle faire garder et observer aient este faictes plusieurs belles constitutions cōtenues es saintz decretz de basle et pragmatique paction dont sommes protecteurs Lesquelles parcy deuant ont este mal observees et gardees A ceste cause enhortons tous les platx chappitres et gens deglise de nostre royaume de faire faire les residences lectures et p̄dications par les chanoines p̄bendez es eglises metropolitaines et cathedrales des p̄bendes theologalles. Et aussi de garder et observer et faire garder et observer de point en point le contenu es rubriques cōcernans le seruice diuin et aultremēt inserees en ladicte pragmatique paction au tiltre quomodo diuinū officium sit celebrandum: et aultres ensuyuans: aultrement en leur default y sera pourueu comme de raison.

ii

**Item** Et iacoit ce q par les decretz de basle et pragmatique paction sont sommes protecteurs et cōseruateurs ayent este faitz plusieurs decretz et p̄stitutions pour pourueoir aux graduez simples et graduez nommez des vniuersitez Toutefois pour la difficulte de la pieuue du tour: les maistres regens et aultres graduez sont frustrez de leffect desditz decretz et les collateurs ordinaires perturbez. Et avec ce pour lincertitude dicelluy tour tous les benefices sont litigieux et quereleux Pour ausquelz abus obuier et a ce q lesditz decretz et pragmatique sortissent leur effect auons ordonne et declaire declairons et ordonnons que le tour desditz graduez simples et graduez nommez commencera le lendemain de pasques prouchainement venant quon dira mil. V. c.

iii

**Item** Et comme protecteur desditz saintz decretz et pragmatique auons enioinct et enioignons a tous les prelatz chappitres et aultres collateurs et patrons ecclesiastiques de nostre royaume et d'aulphine de faire registres loyaulx et entiers de toutes collations et presentations faictes par eulx ou leurs vicaires et iceulx renouueller de cinq ans en cinq ans lesquelz registres lesditz prelatz et collateurs seront tenez de monstrier et exhiber ausditz graduez simples et graduez nommez toutesfoiz que par eulx ou iustice en seront requis et a ce faire seront contrainctz par toutes voyes et manieres deues et raisonnables.

iiii

**Item** enioignons aux vniuersitez de nostredit royaume et d'aulphine sur peine de suspension et priuatiō des priuileges par nos predecesseurs a eulx donnez et aultres peines arbitraires: q doreseuuant en decernāt les nominatiōs pour les suppostz desdictes vniuersitez ilz se reglent selon la forme et teneur de ladicte pragmatique paction de poit en point sans obiectre aucune chose tant pour le temps de lestude des escoliers q pour les degrez cum rigore examinis et aultres choses requises par ladicte pragmatique et qd



ne promouent aucun a degre et honneur sil nest pdoine et approuue de meurs science et quil aye merite.

**2** **S**

**I**tem et pour plus ample declaration Auons en declairant ladicte pragmatique ordonne et ordonnons en ensuyuant icelle pragmatique punction que les collateurs ordinaires & patrons ecclesiastiques de nostredit royaume et daulphine ne seront tenez conferer la tierce partie des benefices estans en leur collation ou presentation a aucuns graduez simples ou graduez nommez Sinon que iceulx graduez ayent estude par temps souffisant et quilz soient de la qualite et aient fait leurs diligences de tout selon la teneur de ladicte pragmatique. Cestassauoir les maistres licenciez ou bacheliers formez en theologie par dix ans. Les docteurs ou licenciez en decret canon ciuil ou en medicine par sept ans. Les maistres ou licenciez es arts & avecques rigueur de xamen par cinq ans. a logicalibus inclusive. ou en aultre plus hault et superieure faculte. Les bacheliers simples en theologie par six ans. Les bacheliers en droit canon ou ciuil par cinq ans. Si non quilz fussent nobles ex vtroqz parente. et danciene lignee. Duquel cas il souffrira quilz aient estude par trois ans. Et seront tenez iceulx graduez faire foy de leursditz degrez temps et noblesse dessusditz par enseignemens legitimes ausditz prelatz et collateurs dont ilz serot tenez leur laisser les doubles si lesditz collateurs le requierent.

**2** **Si**

**I**tem serot tenez les graduez voulans auoir les eglises parrochiales estees dedes les villes murees auoir estude par temps dessusdit et faire tout ce que dessus est dit. A tout le moins serot tenez auoir estude en theologie ou en droit canon ou ciuil par trois ans. ou seront tenez estre maistres es arts en vne vniuersite fameuse et priuilegiee.

**2** **Si**

**I**tem auons ordonne et ordonnons que les vniuersitez qui voudront nommer ausditz prelatz collateurs ou patrons ecclesiastiques en ensuyuant la teneur de ladicte pragmatique ne pourront nommer sinon les graduez actuellement residens et sans fraude en icelles vniuersitez & en leursdictes nominations seront tenez declairer les degrez et le nombre et qualitez des benefices de leursditz nommez.

**2** **Si**

**I**tem auons ordonne et ordonnons que pour oster toutes diuersitez d'opinions q en ensuyuant les saintz decretz et pragmatique punction: que tous et chascuns les graduez soient simples ou nommez seront tenez d'insinuer leurs degrez et nominations chascun an ou temps de liarsme ausditz prelatz collateurs ou a leurs vicaires aultrement ne se pourront ayder ne prandre droit esditz benefices come graduez simples ou graduez nommez. Ains les collations qui en ce cas se feront par lesditz prelatz ou collateurs a aultres que ausditz graduez simples ou graduez nommez tiendront et vaudront.

**A 3**



**Item** et pource que au des este aduertiz que plusieurs desditz graduez simples et aussi graduez nommez ont mis en proces plusieurs personnes iacoit ce que lesditz degrez et nominations n'ayent este insinuez ou temps de l'aresme en venant directement contre l'intention de ladicte pragmatique. Pour ces causes et aultres a ce nous mouuans: et aussi pource que comme dit est sommes ptecteurs de ladicte pragmatique mandons et neaut moins enioignons aux gens tenans nos cours de parlemens baillifz seneschaulx et aultres iusticiers et officiers que information prealablement faicte sommierement et de plain des insinuations desditz degrez et nominations: ilz et chascun deulx procedent au iugement des proces desdictes matieres pendans par deuant eulx qui ne seroient encores contestez et sur lesquels n'auoit este donnee sentence ou arrest de recreance ou sur le plain possessoire desditz benefices sans auoir regard ausditz graduez simples et nominations desditz graduez nommez qui n'auront insinue leursditz degrez et nominations dedans ledit temps de l'aresme ausditz collateurs ou leurs vicaires en maintenant et gardant oudit cas se mestier est ceulx qui auront les collations des ordinaires.

**Item** auons ordonne et ordonnons que la ou il sera trouue en fin de proces que lesditz graduez simples ou graduez nommez auront calumnieusement mis en proces quelcun pour raison d'ung benefice qui ne seroit ou cherroit en tout desditz graduez simples ou nommez ou seroit trouue incapable. En ce cas lesditz graduez simples ou graduez nommez seront ou cas dessusdit priuez et deboutez du priuilege d'auoir et obtenir benefices par vertu desditz sainctz decretz et pragmatique punction iusques a six ans pour la premiere fois et perpetuellement pour la seconde. Le tout des huit articles precedens par maniere de prouision et iusques a ce que par leglise gallicane que entendons exhorter de soy assembler aultrement en soit ordonne.

**Item** auons statue et ordonne statuons et ordonnons que es collations en regalle qui par nous doreseuuant seront faictes sera declaire le temps de l'ouverture dicelle. Et si au parauant trente ans l'ouverture auroit este: que lon ne despesche lesdictes collations et dons en regalle. Et si par inaduertence ou aultrement lesdictes collations estoient despeschees que les iuges a icelles ny ayent aucun regard. Lesquelles oudit cas nous auons declairees et declairons desapresent nulles et de nul effect et valeur.

**Item** auons defendu et defendons a tous nos officiers que es archeueschez eueschez abbayes et aultres benefices de nostre royaume esquelz nauds droit de regalle ou de garde ilz ne se mettent dedens ne es fortes places diceulx. Sinon es benefices et places fortes qui seroient assises es fins limytrophes de nostre royaume et aultres pays de nostre subiection dont inconuenient en pourroit aduenir a nous et a nostredit royaume. Duquel cas nosditz officiers ne pourront pour la garde et tuition desdictes places prendre aucune



chose des biens et fruitz desditz benefices sur peine de priuation de leurs offices restitu-  
tion desditz fruitz et biens & despens dommaiges et interestz. Mais quant il seroit que  
stion de tauper aucüne chose a nosditz officiers pour la garde & tution desdictes places ilz  
se pourront tirer par deuers nos cours de parlemens ou ressort esquelz lesditz benefices  
et places fortes seront assises et bailler leur requeste a ceste fin pour par nosdictes cours  
estre procede a ladicte taupation se faire se doit comme de raison. Et defendons a tous  
nobles & aultres personnes priuees quilz ne se mectent ou entrent dedans lesditz benefi-  
ces: sur peine destre pugniz cōme sacrileges & cōmetans force priuee ou publique. Tou-  
tesuoyes par ce nentendons priuer les pretendans droit de garde esditz benefices vaccāes  
lesquelz auroient obtenu sentence ou arrest dudit droit: mais voulons quilz en ioyssent  
en ensuyuant lesdictes sentences ou arrestz. Et quant est des aultres pretendans ledit  
droit de garde qui n'auoient obtenu lesdictes sentences ou arrestz touchant ledit droit ne  
pourront eulx mectre ne entrer esditz benefices de leur propre auctorite. combien qlz fus-  
sent en possession dicelluy droit. Mais ou dit cas pourront eulx tirer par deuers nous ou  
nostredit chancellier: et nous donner a entendre leur dit droit pour leur estre pourueu au-  
cas par lectres adressans a nos iuges ordinaires comme de raison. Les loix ordonnāces  
et louables coustumes concernantes le fait de la confection des inuentoires des biens  
meubles estans dedans lesditz benefices tant de la iurisdiction ecclesiastique que tempo-  
relle demourans en leur force et vertu.

**¶** *iii*

**¶** Item que lon ne pourra en quelque matiere que ce soit sur vng mesme fait contenu  
es escriptures et addicions desdictes parties produire ne faire examiner q̄ dix tesmoins  
pour le plus. & ne sera comptee vne turbe que pour vng tesmoing es cas que on a acoustu-  
me examiner tesmoins en turbe. Et les tesmoins qui seront examinez oultre ledit nō-  
bre de dix seront reiectez: & n'aura len aucun regard a leurs ditz et depositions. Et avec ce  
sera le commissaire qui aura examine plus de dix tesmoins sur vng mesme fait mulate  
a l'arbitraige duriuge en lauditoire duquel sera rapporte ladicte enqueste. Et si esdictes  
escriptures & addicions desdictes parties y auoit articles faisans mention d'ung mesme  
fait nous ordonnons que les commissaires qui feront lesdictes enquestes accolerōt les  
articles faisans mention d'ung mesme fait.

**¶** *iiii*

**¶** Item que tous commissaires besongnans es enquestes soient de nos cours de parle-  
ment baillifz seneschaulx iuges royaux leurs lieutenans ou aultres facent eulx mes-  
mes les examens & interrogatoires des tesmoins presens leurs adioinctz & nomment  
leurs depositions ou escriuent se bon leur semble. En leur defendant quilz ne facent  
faire lesditz examens de tesmoins par leur ditz adioinctz ou clerks: ains les facent en  
leurs personnes comme dit est.



**Item** que tous commissaires qui examineront tesmoins soient tenuz de les interroguer de la raison de leurs ditz et depositions et icelle raison rediger par escript avec la de position desditz tesmoins sur peine d'amende arbitraire.

**Item** nous ordonnons que apres que le demandeur aura pose et afferme par serment aux saintes euangilles de dieu quil croit le contenu en sa demande et escriptures estre veritable: tant en noz cours de parlemens que par deuant tous aultres iuges royalz le defendeur sera tenu en sa personne sil est ou lieu ou sera demene le proces respondre par ce dit bel non credit pertinemment par son serment aux euangilles a chascun article des escriptures du demandeur. et ou icelluy defendeur seroit absent dudit lieu: et semblablement le demandeur Seront tenuz denuoyer laffirmation et position de leurs faitz et la response pertinente par escript signee da leur main silz scauent escrire: ou sinon dung notaire royal a leur requeste sur ung chascun article dicelle demande et de fen. a leurs procureurs avec procuration souffisante pour y respondre et proceder par lesditz procureurs selon le contenu desditz articles signez comme dit est.

**Item** auons ordonne et ordonnons que les clerks des commissaires et de leursditz adioinctz soit quilz soient conseillers de nosdictes cours baillifz seneschaulx et iuges ou leurs lieutenans generaulx ou particuliers et aultres iuges ne puissent riens prandre de ceulx pour qui leurs maistres auront besongne esdictes enquestes: fors et excepte pour leurs escriptures les minutes et grosses denquestes et proces verbaulx selon les ordonnances de noz predecesseurs et que raisonnablement ilz ont acoustume dauoir par la taxation qui leur en est faicte par nosdictes cours baillifz seneschaulx ou aultres noz iuges.

**Item** neautmoins ordonnons que les clerks feront serment a leurs maistres. Et mesmement ceulx de noz presidens et conseillers en nosdictes cours de parlemēt de non reueler aucune chose du secret desdictes enquestes examen de tesmoins ou quelque chose concernant le fait de nosdictes cours.

**Item** auons ordonne et ordonnons que les conseillers de nosdictes cours de parlemens ne pourront aller en commission hors le parlement sinon quil soit question de baronnie chastellenie ou aultre matiere qui feust de la valeur de deux cens liures de rente et au dessus: ou deuesche abbaye prieure couentuel dignite ou aultre benefice de la valeur de quatre cēs liures portez et la partie le requiert: et ql feust en ce cas delibere par la court que la commission se deust adresser a nosditz conseillers. Toutefois nentendons q es



cas ou ladicte court en voyant les proces verroit estre a pourueoir ex officio es grandes matieres criminelles ou de limites qui bonnement ne se pourroient aultrement auerir ou vider elle ne le puisse a sa discretion.

**Item** que nosditz presidens ne pourront executer les commissions qui leur aduient en distribution ou aultrement sinon quil feust question de duche conte baronnie ou aultre seigneurie de mil liures de rente & au dessus ou deueschez abbayes ou aultres benefices vallans deuy mil liures tourneps portez & au dessus & que la partie le requiere.

**Item** auons defendu & defendu et defendons a nosditz presidens et conseilliers qils ne voient pour les parties en commission le parlement seant soit par nostre congie ou de nosdictes cours sinon quil y eust cause urgente et quil feust question desdictes matieres de duche: et contez: baronnie: chastellenie et aultres de qualite dessusdicte es precedans articles respectiuement. Duquel cas la matiere sera mise en deliberation en nosdictes cours et si la cause estoit trouuee par nosdictes cours si tres urgente et necessaire que president ou conseillier y deust aller ledit parlement seant. En ce cas nosdictes cours respectiuement pourront si les parties le requierent ordonner commission estre deliuree a nosditz president ou conseilliers. Pourueu touteffoiz que de chascune chambre de nostredicte court de parlement de paris il nen pourra oudit cas aller que vng a la foiz. Et pour le plus durant ledit parlement. Et de nosditz parlemens de tholouse & de bourdeaulx vng seulement de chascune de nosdictes cours sur peine de priuation de leurs gaiges de troyx moys pour la premiere foiz et suspension de leurs offices dun an pour la seconde. et pour la tierce de plus grant peine arbitraire.

**Item** auons inhibe et defendu inhibons et defendons a nosditz presidens et conseilliers que doresenauant ilz ne prennent leurs despens ou aultre chose equiuallente a iceulx. Soit que lesditz despens leurs feussent offerts voluntaiement liberalement ou aultrement en quelque maniere que ce soit. Sur peine a nosditz presidens et conseilliers de priuation de leurs gaiges pour vng an pour la premiere foiz. Et pour la seconde de suspension de leurs offices et aultre peine arbitraire et aux parties aussi d'amende arbitraire.

**Item** ordonnons en ensuiuant les ordonnances faictes par nos predecesseurs q tous nosditz president & conseilliers se trouueront a la saint martin sur la peine ptenue esdictes ordonnances. Et declairons & voulons q quelques lectures missiues q escriues a nosditz president & conseilliers pour les faire demourer et retarder apres ladicte feste saint martin ou aller en commission durant ledit parlemēt pour lesdictes parties ilz ne cōtreuiēent a ladicte ordonnance. & que sous ombre dicelles ilz ne puissent ptenre ne alleguer excusatiō legitime. En declairant



les enquestes executions darrestz et aultres exploiz faitz par nosditz presidens et cōseillers durant ledit temps en contreuenant a nosdictes ordonnances soubz ombre de nosdictes lectres et aultrement nulz et de nul effect et valeur. Et en oultre enioignōs aux gref fiers de nosdictes cours de ne bailler signer ne deliurer aucunes cōmissions es cas dessusditz a nosditz presidens et cōseillers sur peine pour la premiere fois de suspension dun an. et pour la seconde de priuation de leurs offices.

xxviii

**Item** et a la fin du parlement les distributions des cōmissions se ferōt en la maniere qui sensuit Cest assauoir les enquestes et examen en la maniere acoustumee. Et au regard des executions darrestz chascun des rapporteurs pourra choisir vne commission de son rapport telle q bon luy semblera et le reste des cōmissions de execution darrest qui chet en cōmission se distribuera selon lordre et antiquite: et es chābres ou ilz aurōt este rapportez par les p̄sidents ou aultrement ainsi q lesditz p̄sidents verront estre a faire pour le mieulx

xxv

**Item** pource que souuentefois aduient que pour maladie des pere et mere et successions escheues a nosditz cōseillers ou aultre cause raisonnable touchant leurs affaires particuliers nosditz cōseillers sont cōtrainctz eulx absenter hors nostredicte court Ordonnons que ce faire ne pourront sinon par congie et licence de nosdictes cours. Lesquelles respectiuement leur arbitreront le delay plus brief que faire se pourra pour leur retour selon lexigence de ladicte matiere. Sur quoy nous enchargeons la conscience de nosdictes cours.

xxvi

**Item** ordonnons que si aucun de nosditz cōseillers estoit occupe tellement quil ne peust ou voulsist aller en commission il ne la pourra bailler a vng aultre sans cōgie et permission de nosditz presidens.

xxvii

**Item** et pource que voulons et entendons nosdictes ordonnances et chacune dicelles mesmement celles qui touchent le fait de nostredicte court de parlement estre entierement gardees et observees par nosditz p̄sidents cōseillers et aultres suppostz dicelle court. Et si aucune chose estoit parcy apres faicte au cōtraire p̄uision y estre donnee tellement que faulte incōuenient ou scandale ne sen puisse ensuyr. Doulons et ordōnons q dorresenauāt de .xv. iours en .xv. iours ou du moins vne fois le moys les p̄sidents de nostre court ensemble ceulx des enquestes sassemblent au mercredi apres disner selon et en ensuiuāt lordonnance aultressois faicte pour la conseruation et entretiēnement desdictes ordonnances.

xxviii

**Item** Et auquel iour ilz appelleront entre eulx tel nombre de cōseillers de ladicte



court iusques a deux de chascune chambre du moins telz q ilz aduiferont. Ausquelz nous auons charge et enioinct chargeons et enioignons sur leur honneur et conscience et le deuoir de leur office q oultre les aultres matieres desquelles audit iour de mercredi ilz doiuent deliberer et communiquer selon ladicte ordonnance ilz regardent aduisent et prennent ensemble conseil aduis et meure deliberation de ceulx de ladicte court soient presidents conseilliers ou aultres. Lesquelz en mesprisant cōtrevenant ou mectās a non chaloir nosdictes ordonnances seroient trouuez irreuerans et desobeissans a nous a ladicte court ou aux p̄sidents dicelle: ou q̄lz seroient negligens ou nonchallans de venir en ladicte court aux iours et heures quil est requis et p faire la residence deue et ordōnee ou qui ne feroiēt leur deuoir de rapporter et extraire les pces et matieres dont ilz sont ou seroient charges sans vacquer aux deliberations et conseilz de ladicte court rapportz et opinions des presidents et conseilliers dicelle: ou q de leur auctorite feroient chose reprehensible ou desroguant a nosdictes ordonnāces a lonneur et grauite de ladicte court et des p̄sidents dicelle.

xxxix

**Item** et ausquelz presidents et conseilliers ainsi assemblez q dit est Auons donne et donnons charge cōmission puissance et auctorite et expressement enioinct de remonstrier ausditz presidents conseilliers et aultres suppostz da ladicte court quilz trouueront estre coupables des fautes irreuerences et negligences dessusdictes ce q̄lz verront a remonstrier et silz voyent la matiere disposee et que le cas le requiere. Sur quoy chargeons leur honneur et cōscience cōme dessus de suspendre les dessusditz et chascun deulx de leurs gages ordinaires et apresdisnees de ladicte court et de lentre dicelle court pour vng mois ou tel aultre temps moindre et au dessous que leur semblera estre raisonnable a faire selon lexigence du cas: en ayant regard a ceulx qui seroiēt plus coustumiers de encheoir esdictes fautes coupes ou negligēces. et supportent ceulx qui sont plus coustumiers de faire leur deuoir et saquicter diligemment en leursditz offices: ou de faire rapport en ladicte court desdictes fautes coupes et negligēces pour en faire telle punition que par icelle seroit aduise: et aussi de nous en aduertir quant mestier sera et bon leur semblera pour y estre par nous pourueu selon q trouuerons estre a faire par raison. Et oultre enioignons et cōmandons ausditz p̄sidents q des dessusdictes assemblees inquisitions deliberations et punitions ilz facent faire registre affin q par icelluy puissions pour le bien de iustice deux fois lan ou quant bon nous semblera estre aduertiz et adcertenez de lentretennement de nosdictes ordonnances ou des infractions dicelles.

xxx

**Item** voulons et ordonnons que doresenauant quant par nous sera pourueu a aucun office de president ou conseillier en nosdictes cours que en ce cas cellui qui sera ainsi par nous pourueu soit examine par tous les dessusditz p̄sidents appelle avec eulx tel nōbre des conseilliers desdictes cours quilz verront estre a faire et bon leur semblera. Et sil est trouue souffisant et p̄doine pour ledit office exercer procederont a sa reception et institution. Et semblablement sil nest trouue p̄doine souffisant ne cappable en ce cas ne sera par eulx receu mais nous en aduertiront pour y pourueoir daultre parsonnaige habille et



psoine et souffisant ainsi que pour le deuoir de iustice sommes tenuz de faire.

**xxxvi**

**I**tem et pource que par aultres ordonnances est expressement ordonne que quant nul puisse estre pourueu d'aucun office de president ou conseillier de nosdictes cours il est expressement requis quil soit esleu ou nomme par nosdictes cours et que a faire lesdictes elections et nominations se peut faire et comectre des abus Auons a ceste cause ordonne et ordonnons que doreseuuant en faisant lesdictes elections et nominations desditz presidents ou conseilliers iceulx nosditz presidents et conseilliers ainsi elisans et nomans iureront sur les saintz euangiles de dieu es mains du premier president de ladicte court ou aultre qui en son absence presidera deslire sur son honneur et science cellui quil saura et cognoistra estre le plus lectre experiente vtile et prouffitabile pour lesditz offices respectiuement exercer au bien de iustice et chose publicque de nostre royaume.

**xxxvii**

**I**tem et affin que lesdictes nominations ou elections se facent sans faueur et fraude Doulons et ordonnons en oultre que doreseuuant lesdictes nominations et elections se feront publicquemēt de viue voix et non par ballottes et que des trois parsonnaiges que on a acoustume de eslire et nommer ne se pourra nommer ou eslire que vng parsonnaige natif ou resident en nostre ville de paris.

**xxxviii**

**I**tem que nos baillifz seneschaulx conseilliers et presidents de nosdictes cours de parlement et aultres nos officiers et iusticiers ne pourront estre conseilliers pensionnaires officiaulx ou vicaires generaulx d'aucun prelat ou seigneur temporel sur peine de suspension de leurs offices et priuation de gaiges ainsi que par nosdictes cours sera aduise.

**xxxix**

**I**tem auons defendu et defendons pareillement a nos procureurs et aduocatx de non plaider ne consulter les parties contre nous sur peine de semblable peine de suspension de leurs offices et priuation de gaiges. Les ordonnances de nos predecesseurs touchant nos procureurs et aduocatx en nos cours souueraines demourans en leurs force et vertuz.

**xl**

**I**tem auons defendu et defendons a nos baillifz seneschaulx procureurs ou leurs lieutenans de ne prendre aucuns gaiges ou pensions des subgectz de nos bailliages et seneschaucies. et que nosditz baillifz seneschaulx et iuges ou leurs lieutenans ne soient iuges chastellains ou baillifz des iustices ressortissans a leurditz bailliages seneschaucies ou iurisdicions sur peine de semblable peine.



**Item** que le filz frere gendre nepueu et clerc ne pourront estre prins pour adioinctz par le cōmissaire ordonne a faire enqueste pose ores que les parties y consentissent.

**Item** que nosditz presidens conseilliers baillifz seneschaulx et aultres noz iuges ou leurs lieuxpten. ne pourrōt estre ne assister au iugement du pces dung prelat ou collateur ou daucun seigneur duquel ilz leurs enfans freres ou cousins germains directement ou indirectement obtiendront dorenavant aucun benefice ou office forme et intitule quāt les parties les recuseront.

**Item** q les requestes de recusation qui serōt baillies a nosdictes cours de parlemēt seront couchees dedās linventoire de la partie baillant ladicte reqste pour prealablement y faire droit.

**Item** auds enioinct et enioignōs a nosditz presidens et pseilliers deulx informer de ceulx qui reuelent les secretz de nosdictes cours pour linformatiō faicte et rapportee par deuers nosdictes cours estre pcede a lencōtre des delinquāz par suspēsiō et priuation de leurs gaiges et offices et aultres peines et amende selon lexigence des cas. Et neautmoīs mandons a nosditz presidens q en ensuyvāt les ordōnances de nosditz pdecesseurs ilz se treuuent esemble de. xv. en. xv. les iours de mercredi pour aduiser des faultes qui se pourrōnt cōnectre par nosditz cōseilliers et aultres officiers de nosdictes cours pour nous en aduertir et y mettre ordre et donner prouisiō telle que de raison.

**Item** q cōbien par les ordōnāces aucun ne puisse achapter office de iudicature: neautmoīs soubz couleur de qlque cōgie quilz ont obtenu de no<sup>r</sup> ou noz pdecesseurs ladicte ordonnance a este enfraincte. Et a ceste cause auons declaire et declairons q nentendons desroger esdictes ordōnāces. Et si par importunite ou autremēt en cōmandiōs aucūes lectres defendons a nostre chācellier de ne les seeller. et si par surprinse ou autremēt elles estoient seellees phibons et defendons aux gens tenans noz cours de parlement baillifz seneschaulx et aultres iuges et officiers ou leurs lieuxpten. pour qlque cōmandement ou lectres iteratiues quilz puissent obtenir de nous de ny obeyr et obtemperer.

**Item** auons ordonne et ordonnons que le pere et le filz et deux freres ne pourront estre en vñemesme court.

**Item** pource q les gens tenās les reqstes de nostre palais a paris font souuēt euocquer plusieurs causes soubz couleur dune reqste atachee a la garde gardiēne daucūz prelatz abbez ou chappitres ou aultres priuileges daucūz priuilegiez sans ce quilz apēt aucunes lectres de cōmittimus de nous Nous leur defendās bien exp̄semēt q dorenavant ilz ne vsent de telles euocations et nentreprenent aucune cognoissance sinon des causes

**B**



qui leur seront cōmises par nos lectres de cōmittimus et dedans lan de la date desdictes lectres de committimus.

*pliii*

**I**tem nous defendons a nosditz gens desdictes requestes que soubz ombre desditz cōmittimus ne aultremēt ilz nentreprēgnent cognoissance sinon des causes personnelles et possessoires. Et si aucūes parties ou leurs pcureurs vouloiet consentir estre renuoyez par deuāt nosditz gens desdictes requestes pour aultres matieres que pour celles dont nous voulons la cognoissance leur appartenir comme dit est Nous enioignons a nostre court de parlement et a nos pcureur et aduocat generaulx quilz empeschent lesditz renuoyz. et que doreseuuant telz renuoyz ne se facent ne se enregistrent en nos cours de parlemens sans les monstrier a nosditz procureur et aduocat.

*pliiii*

**I**tem nous enioignons a nosditz conseilliers des requestes en ensuiuant les ordōnāces faictes par nos pdecesseurs q ilz ne puissent iuger aucun proces sinon quilz sapēt baille a veoir particulieremēt a quelcun dentre eulx. Lequel sera tenu de le rapporter en plain bureau. et enioignōs a nostre dicte court de parlemēt et a nos procureur et aduocat en icelle quilz facent garder ceste presente ordonnance.

*plv*

**I**tem nous voulōs que sil aduenoit que aucū de nos cōseilliers desdictes req̄stes du palais auoient aucuns proces en matiere personnelle ou possessoire par vertu de leur cōmittimus ou leurs enfans pendans esdictes requestes En ce cas nous voulons q les maistres des req̄stes ordinaires de nostre hostel en leur auditoire a paris apēt la cognoissance desdictes matieres.

*plvi*

**I**tem nous defendons a nosditz conseilliers esdictes requestes que ilz ne prēgnent aucune chose pour la closture des escriptures des parties plaidans par deuāt eulx sinon q eulx mesmes en personne vacquent cōme cōmissaires a ouyr les parties sur les responses par credit vel non credit.

*plvii*

**I**tem nous ordōnons q lesslection des lieuptenā des baillifz seneschaulx et aultres nos iuges de nostre royaume se fera en plaine assemblee qui sera tenue en lauditoire desditz sieges appelez nosditz baillifz seneschaulx et iuges aduocat pcureur et aultres nos officiers desditz bailliages seneschauces et siege dedans. xv. iours apres les vacacions desditz offices. si nosditz baillifz seneschaulx ou iuges estoient presens ou silz estoient absens dedans vng moys. Et ne pourrōt nosditz baillifz seneschaulx et iuges nouuellemēt venuz esditz offices chāger ne muer les lieupten. desditz bailliages seneschauces ou sieges royaux qui par eulx ou leurs pdecesseurs y auoiet este mis. Toutefois silz auoiet cause raisonnable pour changer lesditz lieuptenā se pourront remonstrier a nous nostre conseil ou nos cours de parlement pour en ordonner ainsi quil appartiendra.



**plviii**

**I**tem q̄ doreſenauant les lieuptenāſ generauly de noz baillifz ſeneſchauly ⁊ iuges ne pourrōt eſtre eſleuz ou commis ſinon quilz ſoyent docteurs ou ſicē. in altero iurium en vniuerſite fameuſe.

**plix**

**I**tem et pource que par feu noſtre treſchet ſeigneur ⁊ couſin le roy charles. viii. de ce nom A eſte pour obuier a toutes indeues exactions ordonne que leſditz lieuptenans generauly auroient et prandroient la quarte partie ſur les gaiges ordinaires ordōnez auſditz baillifz ſeneſchauly iuges ⁊ preuoſtz a cauſe de leurs offices. ſinon que iceuly baillifz ſeneſchauly iuges et preuoſtz feiſſent en perſonne reſidence en leurſditz bailliages ſeneſchaucees iugerieſ et preuoſtez. Duquel cas leurſditz lieuptenans ne pourront prendre aucune choſe ſur leurſditz gaiges. Auons en declairant ladicte ordonnance ordonne que nonoſtant la reſidence que feront doreſenauant noſditz baillifz ſeneſchauly iuges ⁊ preuoſtz en leurſditz bailliages ſeneſchaucees iugerieſ et preuoſtez leurs lieuptenans generauly prādront la quarte partie deſditz gaiges ordinaires ⁊ en ſeront payez par noz receueurs ordinaires par leurs quictances. Laquelle quarte partie deſditz gaiges ordinaires ainſi payee auſditz lieuptenāſ ſera rabatue de la recepte et allouee es comptes diceuly receueurs par les gens de noz comptes ſans quil ſoit beſoing en auoir aultres quictāces de noſditz baillifz ſeneſchauly iuges ⁊ preuoſtz. Sinon touteſuoyes que iceuly noz baillifz ſeneſchauly iuges et preuoſtz feuiſſent lectrez ⁊ graduez et quilz feiſſent reſidence et exercāſſent en leurs perſonnes leurſditz offices ouquel cas ilz prādront leurs gaiges entierement et ſans diminution aucune.

**i**

**I**tem ordonnons que leſditz lieuptenans a leur institution feront ſermēt ſolennel preſens noz aduocat et procureur quilz nont baille directemēt ou indirectemēt a noſditz baillifz ſeneſchauly iuges et preuoſtz aucune choſe pour auoir eſte intituez et obtenir leſditz offices de lieupten.

**li**

**I**tem ordonnons que noſditz baillifz ſeneſchauly iuges et preuoſtz feront ſemblable ſerment a leur institution de ne prendre nauoir eu et prins aucune choſe directement ou indirectement pour linstitution de leurſditz lieupten. pour les intituer faire auoir ⁊ obtenir leurſditz offices de lieupten.

**lii**

**I**tem nous ordonnons q̄ quant leſditz lieupten. generauly iront en cōmiſſion pour beſogner pour aucūes parties cōme cōmiſſaires hors leurs bailliages ſeneſchaucees ou reſſortz ilz ne pourrōt prendre pour leur vaccation q̄. lxx. ſolz tourn. par iour. Et quāt ilz irōt en cōmiſſion dedāſ leurs bailliages ſeneſchaucees ⁊ reſſors de hors touteſſoiz du lieu ou ilz demourēt ilz ne prādrōt que cinquāte ſolz tourn. et pour beſongner es lieux ou ilz auront leur domicile et tiendront leur ſiege ilz naurōt que. xxx. ſolz tourn. par iour et en tous les cas deſſuſditz ilz ne pourront prendre leurs deſpens.

**B ii**



lii

**Item** au regard des lieutenans particuliers quant ilz iront hors leurs bailliages seneschauces ou ressorts ilz ne pourront auoir ne prendre que cinquante solz tourñ. par iour: & quarante solz quant ilz besongneront en leurs ressorts & hors leurs domicilles. et. pñ. solz quant ilz besongneront ou ilz ont leurs domicilles sans ce quilz puissent prandre leurs despens. pose ores que les parties liberalment les leur boulsissent faire oultre leur dit salaire ordinaire sur peine ausditz lieutenans generaulx et particuliers de suspension de leurs offices et priuation de leurs gaiges pour vng an pour la premiere foiz. Et pour la seconde damende arbitraire. et aux parties damende aussi arbitraire.

liiii

**Item** nous defendons a tous noz preuostz baillifs seneschaulx & iuges que quant ilz seront de nouuel instituez en leursditz offices ne apres ilz ne facent ne instituēt nouueaulx sergēs ne aultres officiers nouueaulx ne creation nouuelle de mestier. Et aussi leur defendons sur peine damende arbitraire q̄ doresenauāt ilz ne prengnent ne exigent desditz sergens ou aultres officiers quilz trouueront estre instituez du tēps de leurs predecesseurs aucunes sommes dargent ou aultre chose pour leur monstret les lectres de leurs offices cōme on dit quilz ont acoustume de faire En releuāt nostre peuple des grieux exactions et vexations quilz ont et seuffrent a cause de la multitude des sergens extraordinaires qui sont en nostre royaume Auons ordonne & ordōnons que le nombre ancien de nosditz sergens par les bailliages seneschauces et iurisdicions de nostre royaume sera reduict & remis en reiectant tous aultres sergens extraordinaires oultre ledit nombre. Pourueu toutefois que ceulx qui demoureront esditz offices de sergent seront de bonne et honeste vie et sauront lire et escrire. Et pour reduire ledit nombre desditz sergens nous en donnons la charge a noz cours de parlement En prealablement sur ce laduis de noz baillifs seneschaulx et iuges ou leurs lieutenans.

lv

**Item** nous defendōs ausditz sergens quilz ne facent aucuns aydes ou soubssergēs sur peine de priuation de leurs offices & les exploiz faitz par lesditz soubssergēs declarōs nuls. & neautmoins lesditz soubssergēs seront amēdables enuers no<sup>r</sup> damēde arbitraire.

lvi

**Item** prohibons et defendons a tous sergens quilz ne facent aucuns adiournemēs ou aultres exploiz sans records et attestation de deux tesmoins ou vng pour le moins sur peine damende arbitraire es grans matieres ou aultres esq̄lles par vng seul default la partie peut obtenir gaing de cause.

lvii

**Item** nous ordōnōs que les iuges royaux ou leurs lieutenans ressortissans sans moyen en nosdictes cours qui ont acoustume de prendre aucūe chose pour la visitation des proces: ne pourrōt prandre doresenauant aucune chose pour la visitation diceulx proces quil ne soit entregistre par leurs greffiers par les mains desquelz lesditz iuges pour-



ront prendre ce qui leur sera taupé raisonnablement en escripuāt & signant de leur main sur le dictum ce qui aura este taupé pour la Visitation. Et dauentaige nous ordōnons q̄ lesditz greffiers seront tenuz descrire et signer sur le repply de la sentence ce qui aura este taupé pour la cause dessusdicte.

**lvi**

**Item** pour dōner ordre a labbreuiation des proces estās par deuāt noz iuges nous ordōnons que les greffiers des gens tenans les requestes de nostre palays a Paris bailliages seneschauces et tous aultres sieges royaux de nostre royaume incontīnēt quilz auront aucun proces en droit & prest a iuger seront tenuz dedās la. lvi. apres ensuyuant au plus tard sur peine damende arbitraire de apporter lesditz proces par deuāt lesditz iuges ou leursditz lieux tenans. et faire registre du iour quilz les auront presentez ausditz iuges ou lieux tenans. Lesquelz iuges dessus nōmez seront tenuz de vider les incidens le plus diligēmēt q̄ faire se pourra. et les gros proces dedans trois moys: a tout le moins dedans six moys pour le plus tard sur peine damende arbitraire.

**lv**

**Item** et si en iugeant le proces lon trouuoit par la Visitation dicellui que noz iuges ressortissās sans moyen en nosdictes cours eussent erre manifestemēt en fait ou en droit Nous enioignōs & ordōnons a nosdictes cours que en ce cas ilz soient mulctez & pugniz en amendes arbitraires a la discretion de nosdictes cours.

**lv**

**Item** que les preuostz en garde de nostredit royaume se esliront doresenauāt es auditoires des bailliages seneschauces & aultres sieges ou seront assises et ressortirōt lesdictes preuostez a iour plaidoyable en plaine assemblee presens & appelez noz baillifz seneschaulx et aultres noz iuges des prouinces esquelles seront assises lesdictes preuostez. ensemble noz aduocat & pcureur esditz bailliages et seneschauces & aultres officiers dudit siege ou se fera ladicte assemblee. Et ferōt les eslisans serment de bien et loyaument eslire cellui qui en leurs consciences ilz trouueront plus ydoine et souffisant pour exercer ledit office. Lesquelz preuostz ainsi esleuz seront tenuz de resider en personne.

**lvi**

**Item** et seront tenuz nosditz preuostz en garde de iurer en linstitution de leur office quilz nauront aucune participation ne intelligence avec les fermiers desdictes preuostez. Et silz estoient trouuez faisans le cōtraire: nous entendons quil soit procede a lencontre desditz preuostz par suspension et priuation de leurs offices et damendes arbitraires.

**lvii**

**Item** q̄ aucun en matiere criminelle ne sera adiourne a la req̄ste de nostre pcureur sinon quil y ayt decret de iuge. Et ne pourra intēter nredit pcureur action ne proces en

**B 3**



matiere ciuile sans auoir le conseil de nostre aduocat: es lieux ou auds aduocat sur peine de estre condamne en son propre et priue nom es despens dōmaiges et interestz de la partie interessee et en amende arbitraire enuers nous ou cas quil seroit trouue calūnieusement et pour Vexer aucun auoir intente ledit proces contre nostre presente ordonnance.

**lxiij**

**E**n nous ordōnons que pour noz causes et proces qui doresenauant seront demenez en noz cours de parlemens, soit a cause de noz droitz et dōmaine ou aultres: ou quil y ait aucun exproict a faire pour le bien de iustice par nosdictes cours ou par leurs ordōnances, que les receueurs quelz quilz soient qui doresenauant receuront les amendes et exproictz qui nous seront adiugez par nosdictes cours retiennent et gardent par deuers eulx Cestassauoir a Paris la somme de mil liures tourñ. chascū an. Et en noz cours de tholouse six cens liures tourñ. et de Bourdeaux cinq cens liures tourñ. et de diion trois cens liures aussi tourñ. des premiers deniers desdictes amendes et exproictz qui escherrōt en icelles cours de parlemens les charges ordinaires et gaiges prealablement payez pour conuertir es choses dessusdictes et non aultre part. sur peine de le recouurer sur eulx et dāmēde arbitraire a la discretion desdictes cours. Ausquelles apres ce que en plain parquet de nosdictes cours aura este cōclud aucun proces enq̄ste information ou aultre exproict de iustice deuoir estre fait pour le bien de iustice Et quelle somme dargent il faudra pour ce faire: nous dōnons pouoir et auctorite de cōtraindre nostredit receueur a payer la somme par eulx deliberee cōme pour noz propres debtes. Pourueu toutesfoiz que nosditz receueurs pour compter et allouer en leurs comptes la somme arbitree: ayent mandement a eulx adressant passe par nosdictes cours et signe par les greffiers dicelles et sceille par le seel de nostre chancellerie Verifie et signe par deux des presidens ou lūg deulx des plus anciens de nosdictes cours. Par vertu duquel mandement ainsi expēdie: nous Boulons la somme que nosditz receueurs payeront et bailleront par vertu dicellui estre allōee en leurs comptes par les gens de noz comptes sans difficulte. Ausquelz gens de noz cōptes et aussi a noz tresoriers qui sont ou seront pour le temps aduenir Nous defendōs expressement que a nosditz gens de noz parlemens et a noz receueurs ilz ne dōnent en ce facent ou facent faire ou donner aucun empeschement. Et silz font le cōtraire nous par ces presentes dōnons pouoir auctorite et puissance a icelles noz cours de parlemens de les cōtraindre de eulx en desister par toutes voyes et manieres deues et raisonnables.

**lxiiii**

**E**n et en tant que touche nostre preuost de paris noz aultres baillifs seneschaulx et iuges ressortissans sans moyen en nosdictes cours de parlement nous Boulons et ordōnōs que apres ce que par eulx et par loppinion de noz aduocat et procureur et aultres personnes notables acoustumez estre aux consultations de noz besongnes de leurs auditores aura este deliberee aucune chose pour no<sup>r</sup> ou pour le bien de iustice estre a faire et pour suivre q̄ lesditz preuost baillifs seneschaulx ou aultres noz iuges telz q̄ dit est sans aultre mādement de no<sup>r</sup> de nosdictes gens des cōptes ou tresoriers puisse cōtraindre chascun an en



sa preuoste seneschaucee bailliage ou iugerie le receueur dicellui bailliage seneschaucee ou iugerie a bailler et payer royaumēt & de fait la sōme qui sera necessaire pour faire & pour  
fuir ce que par les dessusditz sera delibere. Pourueu que pour vne annee chascun deulx ne  
puisse traire le receueur de sa preuoste seneschaucee bailliage ou iugerie oultre la somme  
de deux cens liures tourn. Et sil aduenoit q̄ aucunesfoiz en vng an il faulst greigneur  
somme que la dessusdicte ilz se pourrōt traire par deuers nosditz gens de parlemens. les-  
quelz appellez auec eulx aucuns des gens de noz comptes et tresoriers leur feront faire  
telle prouision cōme il sera delibere par eulx. Et a ce contraindre lesditz receueurs & tous  
aultres qui feront a cōtraindre cōme il leur semblera bon estre a faire. Voulons en oultre  
& ordōnons tout ce q̄ par chascun des receueurs desdictes preuostez seneschaucees baillia-  
ges ou iugeries aura este paye pour les causes dessusdictes iusq̄s a ladicte sōme de deux  
cens liures tourn. par chascun an par mademēt desditz preuost seneschal baillx ou iuge  
chascun en sa iurisdiction. Duquel soient expressement nōmez ceulx qui auront este pre-  
sens et appellez a la deliberation faire. et lequel sera signe par le clerc ou greffier de ladicte  
preuoste seneschaucee bailliage ou iugerie soit alloe es comptes dudit receueur quil aura  
paye sans contredit ou difficulte aucune. ensemble ce que icellui receueur aura paye oul-  
tre ladicte somme pour vng an par mandement expedie cōme dit est. Et defendōs cōme  
dessus a noz gens des comptes et tresoriers et aultres quelzconques apans le gouuerne-  
ment des finances de nostre dōmaine qui sont et seront pour le temps aduenir sur peine  
den estre pugniz : que es choses dessusdictes ilz ne donnent aucun empeschement a noz  
officiers de iustice.

**lxxv**

**Item** que les notaires ne receuēt aucun cōtract silz ne cognoissent les personnes  
ou quilz soient certiffiez et tesmoingnez estre ceulx qui cōtractent sur peine de priuation  
de leurs offices.

**lxxvi**

**Item** que vng seul notaire ou tabellion ne puisse receuoir aucun contract sans ce  
quil y ait deux tesmoins non obstant quelque coustume locale cōtraire. Laq̄lle auons  
declairee et declairons nulle et abusive.

**lxxvii**

**Item** et ne pourront prendre les greffiers de noz cours de parlemens bailliages se-  
neschaucees & aultres iurisditiōs de nostre royaume ne aultres cōmissaires quelzconques  
aucuns salaires pour les cōsignations qui se ferōt en leurs mains. mais sil aduient quil  
faille faire en iustice quelque garnison de main cōsignation ou deppost les sommes con-  
signees serōt mises entre les mains de quelque bon bourgeois des lieux esleu du consen-  
tement des parties se faire se peut: sinon demourera es mains desditz greffiers. lesquelz  
greffiers ne serōt tenez sinon comme simples deppositaires de la garde desditz biens cō-  
signez ou depposez.



2 lxxviii

**Item** nous voulons que tous les greffiers de nos bailliages seneschauces & autres sieges royaux escriuent au dos des sentences & appointemens de leurs mains et subscriuent de leurs paraffes la somme de deniers quilz auront eu pour lesdictes sentences & appointemens sur peine damende.

2 lxxix

**Item** quant aux notaires et greffiers des cours ou bancs de nos iurisdicions lesquels prennent les greffes ou notairies desdictes cours a ferme Auons ordonne et ordonnons q̄ dorisenauant ne sera receu aucun notaire a mettre a pris lesdictes notairies ou greffes desdictes cours & iurisdicions: ne icelles exercer comme dernier encherisseur sil nest trouue ydoine et souffisant bien rendome & experiente en icelles choses. Et ou cas que ledit dernier encherisseur ne sera trouue ydoine & souffisant pour lepercer il payera la folle enchiere ou sera mis par les officiers de ladite court homme souffisant et ydoine a exercer ledit greffe ou notairies aux perils et fortunes dudit dernier encherisseur. Lequel sera tenu exercer ledit office en sa personne sans y pouoir commectre aultre sil nestoit en cas de brgent necessite. ou q̄l cas il pourra comectre aultre personne ydoine et souffisante approuuee par lauctorite de la court ou sera exerce ledit greffe. et aussi est defendu aux aduocats des cours nestre greffiers ou participans au prouffit des fermes desditz greffes sur peine destre pugniz de postulation & damende. Et seront tenez les greffiers laisser les papiers et registres en ung lieu publique et seur a lordonance du iuge soubz lequel sera ledit greffe exerce.

2 lxxx

**Item** combien que a nous seul et a nos successeurs roys de frâce appartient de donner graces pardons et remissions Et avec ce que nous auons plusieurs droitz singuliers & priuileges qui sont a nous & a nos successeurs roys de frâce reservez en signe de souverainete. Neautmoins aucuns nos lieutenans & gouverneurs et aussi leurs lieutenans par nous establis en plusieurs contrees de nostre royaume ont entrepris et sefforcent soubz couleur daucun pouoir quilz dient auoir obtenu de nous ou de nos predecesseurs donner graces remissions et pardons foires marchez anoblissemens et legitimations & cognoistre des matieres tant ciuiles que criminelles de partie a partie sans appel ou ressort. Et avec ce euocquent les causes qui sont par deuant nos seneschaulx & baillifs et autres iuges ordinaires en perturbant les iurisdicions ordinaires de nostre royaume. Pour ces causes auons reuocque et reuocquons par edict perpetuel & irreuocable leurdit pouoir et puissance quant a ce En leur faisant inhibition & defense q̄ dorisenauant ilz ne donnent graces remissions & pardons foires marchez anoblissemens & legitimations et quilz ne euocquent les causes pendentes par deuant les iuges ordinaires: ne dicelles cognoissent en quelque maniere que ce soit. En enioignant toutesfoiz ausditz gouverneurs quilz facent executer les sentences de nos baillifs seneschaulx & autres ensemble les arrestz donnez par nosdictes cours de parlemens de tenir les pays a eulx comis en seurte les garder de pillerie visiter les places & forteresses et nous aduertir des entreprinse q̄ lon pourroit



faire en nosditz pays & royaume & de faire tout ce quil appartient en aultres choses a bds  
gouverneurs pour la tution & defense des pays a eulx par nous cōmis et deputez.

lxxi

**I**tem le nombre des procureurs qui puisnagueres iusques a present a este & encores  
est effrene en noz cours de parlement et ailleurs en si grāt multitude q̄ les bngs ne peuēt  
viure pour les aultres: et tiēnent tousiours les proces en longueur a la grāt foulle de no-  
stre peuple: sera reduit en nombre competent ainsi que par noz cours de parlements sera  
aduise. que esdictes cours et noz aultres iuges en leurs iurisdicions et ressorts les gens de  
bien et souffisans retenuz et les insuffisans resequez et reiectez.

lxxii

**I**tem et pour le singulier desir que nous auōs a rendre iustice a bngchascun & met-  
tre noz subiectz hors de proces & eu regard a la grāt multitude des proces qui sont de pre-  
sent en noz cours souueraines et q̄ difficile chose seroit en auoir prōpte expédition si par  
nous ny estoit pourueu. Pour ces causes auons statue & ordonne statuons et ordōnons  
que les grans iours se tiendront par les presidens et conseilliers de nostre court de parle-  
ment a paris en leur ressort: et es lieux ou danciennete on a acoustume les tenir. Ausq̄z  
grans iours assisteront dan en an auz gaiges acoustumez lun des quatre psidens de no-  
stredicte court. Lun des maistres des requestes de nostre hostel. Lun des quatre presidens  
des enquestes avec treize cōseilliers de nostredicte court. Sauoir est huyt de ladicte grāt  
chambre & cinq de ladicte chābre des enq̄stes selon leur ordre & anciēnēte. Et neautmoins  
auons voulu et ordonne q̄ les cōseilliers iusques au nombre de treize dont il y aura huyt  
laiz qui voudront vacquer a leppédition des proces tant criminelz q̄ ciuilz avec nosditz  
presidens durant le temps de vacations seront payez tout ainsi que si le parlement seoit.  
Et les iugemens qui seront par eulx donnez iusques a cent liures tourn. de rente et mil  
liures bne foiz payez. Et des bñfices iusques a deux cens liures tourn. Auōs auctorise  
& auctorisons tout ainsi que silz estoient dōnez ledit parlement seant. En leur enioignāt  
quilz vacquent prealablement a leppédition des matieres criminelles le plus diligēment  
que faire pourront en prenant lectre de nostre chancellerie touchant les matieres crimi-  
nelles en la forme acoustumee.

lxxiii

**I**tem auons ordonne et ordōnons que les gens tenans noz cours de parlement de  
tholouze et bordeaulx tiendront lesditz grans iours de deux ans en deux ans chascun en  
leur ressort respectiuement es lieux quilz verrōt estre a faire pour le mieulx en ensuyuāt  
la forme que nosditz presidens et conseilliers de nostre court de parlement de Paris ont  
acoustume de tenir reserve quilz ne seront que neuf. Sauoir est bng president et huyt cō-  
seilliers dont y aura cinq laiz et troyz clerks. Et neautmoins ordōnons q̄ bng president  
avec huyt de nosditz cōseilliers de nosdictes cours dōt les cinq serōt laiz & les troyz clerks  
qui voudront vacquer a leppédition des proces tant criminelz que ciuilz durāt lesdictes



Saccations seront payez tout ainsi que si lesditz parlemens seioient. Et auons auctorise  
et auctorisons les iugemens qui seront par eulx donnez iusques a la somme de cent liures  
tourñ. de rente et de mil liures pour vne foiz. En leur enioignāt quilz vacquent premie-  
rement a leppeditiō des matieres criminelles en prenant noz lectres touchant lesdictes  
matieres criminelles en la maniere acoustumee.

*lxxiiii*

**Item** voulons et ordōnons que doresenauant quant par nous sera pourueu a au-  
cun doffice de nostre conseillier en nostredicte court de parlement de Bourdeaux que ledit  
ainsi pourueu soit mis et entre en ladicte chambre des enquestes et le plus ancien receu de  
ladicte chambre voyse et entre en icelle grant chambre.

*lxxv*

**Item** auons ordonne et ordōnons q ladicte chambre des enquestes en nostre court  
de parlement de Bourdeaux sera fournie de douze tant presidens que cōseilliers tant laiz  
que clerks des plus nouuellement et derniers receuz selon l'anciennete de leur reception. et  
ladicte grāt chambre daultres quatorze les huyt desquelles de chascune desdictes chābres  
auec vng president pourront donner et faire arrest des matieres qui ne excederont deuy  
cens liures de rente ou lequiualent: ou quatre mil liures tourñ. pour vne foiz.

*lxxvi*

**Item** et sil aduenoit que nosditz cōseilliers de lune desdictes chābres se trouuassent  
en diuersites d'opiniōs au iugement d'ung proces tellement que lon voulsist dire le proces  
estre party en ce cas ne voulons ne entendōs ledit proces estre party sil ne passoit de deuy  
opinions. ouquel cas noz conseilliers et presidens de l'autre chambre departiront ledit  
proces. et en ce cas et pour ledit departement souffira quil passe d'ung.

*lxxvii*

**Item** ordōnons que la distribution des proces en nostredicte court de parlement de  
Bourdeaux se fera par noz presidens et conseilliers ainsi que noz presidens et conseilliers  
de nostre court de parlement de tholouze ont acoustume de faire.

*lxxviii*

**Item** et enioignons a tous noz presidens et conseilliers baillifs seneschaulx et au-  
tres iuges q dedans lan de la reception de leurs offices sur le deu de leur serment ilz ayēt  
les ordōnances par nous faictes et noz predecesseurs icelles voyent et saichent a leur po-  
uoir en tant q a vngchascun deulx touche et peut toucher. Lesquelles voulons estre leues  
tant en nostredicte court de parlement que es auditoires de nosditz baillifs seneschaulx et  
iuges deuy foiz lan. C'est assauoir le lendemain de la saint martin d'iuier et le lendemain  
de Quasi modo.



**Item** <sup>lxxxix</sup> voulons et ordonnons que en chascune chambre de nos cours de parlemens: et semblablement es auditoires de nos baillifs seneschaulx et iuges y ait ung liure desdictes ordonnances affin que si aulcune difficulte y suruenoit on ait promptement recours a icelles.

**Item** <sup>lxxx</sup> et en oultre au des ordonne et ordonnons que les sentences qui se donneront par iuges royaux en matiere de dot ou repetition dicellui a lieu de dation de tutelle de confiscation dinventoire de interdictiōs de biens aux prodigues ou incensez refection de ponts et de passaiges. Et aussi quant il sera question de salaires ou loyers de seruiteurs de trois annees et au dessous q les sentences prouisoires de nos iuges seront executees non obstant oppositions ou appellations quelzconques et sans preiudice dicelles en baillant toutesuoyes par lesditz seruiteurs caution telle quilz la pourront bailler de rendre lesditz salaires ou loyers sil estoit dit en fin de cause. Les autres ordonnances de nos predecesseurs faisans mention de alimens douaires medicamens et autres prouisions demourans en leur force et vertu.

**Item** <sup>lxxxi</sup> et pour obuier a la grande et infinie multitude des proces estans en nosdictes cours et que nos subiectz ne consomment plus leur temps ne leurs biens en vain et en petites causes et matieres Auons ordonne et ordonnons que les sentences de nos baillifs seneschaulx et autres nos iuges ressortissans sans moyen en nosdictes cours qui seront par eux donnees en leurs sieges principaulx et es autres esquelz ilz ont acoustume de tenir les assises et durer icelles En matiere pure ciuile et personnelle qui ne excederont la somme de. xxv. liures tourñ. ou la valeur dicelle pour vne fois payez Seront mises a execution ensemble la condanation entiere des despens non obstant oppositions ou appellations quelzconques et sans preiudice dicelles en baillant bonne et souffisante caution de rendre le tout sil estoit dit en fin de cause que faire se doye. Lesquelz despens seront taupez par aultre lieutenant ou comis que cellui qui aura donne la sentence.

**Item** <sup>lxxxii</sup> et si les parties appelloient daulcune sentence interlocutoire au parauant la sentēce qui seroit donnee pour raison de ladicte somme de. xxv. liures tourñ. et au dessous lesditz baillifs seneschaulx et autres nos iuges ressortissans sans moyen en nosdictes cours come dit est ne differeront de proceder au iugement dudit proces: non obstant ledit appel ou appeaulx et sans preiudice diceulx sinon quil feust appelle des interlocutoires qui seroient donnez sur la cōpetance ou incōpetāce des iuges ou en matiere de recusation.

**Item** <sup>lxxxiii</sup> et combien que par les ordonnances de nos predecesseurs les matieres possessoires beneficiais se doiuent vider sommairement et de plain. neautmoins pour la subtilite des parties elles ont este et encores sont immortelles dont plusieurs mauz et in-



conueniens si en aduiennent. Pour ausquelles choses obuier et affin que les eglises ne soyent longuement en sequestre Auons voulu et ordonne voulons et ordonnons que les sentences de recreance ou de plain possessoire expedie par tiltres sans soy arrester a la recreance en matiere beneficalle qui sont donnees parties ouyes par noz iuges en leurs sieges principaulx et quilz donneront es aultres sieges esquelz ilz ont acoustume de tenir les assises Et durant icelles ressortissans sans moyen a nosdictes cours serot epecutees non obstant oppositions ou appellations quelzcoques et sans preiudice dicelles En baillant bonne et souffisanz caution par la partie qui aura obtenu de rendre les fruitz sil est dit que faire se doye.

*lxxxiii*

**I**tem et si lune des parties auparauiant la recreance adiugee appelloit de quelque interlocutoire: neautmoins nosditz iuges ressortissans sans moyen come dit est ne differeront de pceder non obstat lesditz appel ou appeaulx et sans preiudice diceulx Sinon quil feust question de la competence ou incompetance du iuge ou de la recusation dicellui.

*lxxxv*

**I**tem et a ce que nosditz baillifz seneschaulx et aultres noz iuges ressortissans sans moyen en noz cours puissent plus seurement proceder au iugement desdictes recreances Auons enioinct et enioignons a nosditz iuges quilz appellent avec eulx six ou quatre pour le moins des conseilliers ou praticiens de leurs sieges et auditoire non suspectz ne fauorables a lune ne a lautre desdictes parties Lesquelz serot tenuz avec nostredit iuge designer la sentence ou dictum dicelle.

*lxxxvi*

**I**tem quant aucune cōplainte sera fournie soit en matiere beneficalle ecclesiastique ou prophane noz iuges soient presidens conseilliers ou aultres noz officiers qui auront cogneu de la matiere leurs enfans et parens ne pourrot estre comis au regime et gouvernement de la chose contencieuse. mais seront tenuz de commectre aultres gens notables non suspectz ne fauorables a lune ne a lautre des parties a moindres fraiz que faire se pourra sur peine de suspension de leur office et aultre peine arbitraire.

*lxxxvii*

**I**tem q es matieres qui doiuent estre epecutees non obstant oppositions ou appellations quelzcoques et sans preiudice dicelles Nosditz iuges epecuterot leurs sentences sans actēdre noz lectres de chācellerie ne cōmission ne auctorisation de nosdictes cours.

*lxxxviii*

**I**tem et combien que apres que le possessoire est diuide soit en matiere beneficalle ou prophane les parties puissent auoir leur recours en matiere petitoire Toutefois ou tēps passe ilz sont venuz par ppositiō derreur dot nosdictes cours ont este moult trauailles



et sont demourees les choses cōtencieuses longuemēt en pces dont plusieurs incōueniens sont aduenus Pour ausquelz obuier aūds ordōne et ordōnons q en matiere possessoire pphane ou ecclesiastique: aucun doreseuauāt ne sera receu a pposer erreur. Toutes aultres ordōnances cōcernans lesditz possessoires demourans en leur force et vertu.

**lxxxix**

**Item** ordōnons q lordōnance faicte par feu nostre trescher seigneur et cousin Loys Bnziesme de ce nom En nouembre mil. CCC. lxxxix. leue publiee et enregistree en nostre dicte court de parlement touchant les ppositions derreurs et determinations diceulx sera entretenue obseruee et gardee selon la teneur dicelle: et sortira son plain et entier effect

**xc**

**Item** ordōnons q quāt aucuns qui auroient este condammnez a estre fustiguez esroillez bāniz ou en qlque aultre griefue peine corporelle par sentence de iuge cōpetant seront reprins par nos baillifz seneschaulx et aultres nos iuges ressortissans sans mopen en nos cours de parlemens pour aultres cas crimes et delictz par eulx de nouuel cōmis iceulx nos baillifz seneschaulx ou leurs lieuxpten. et aultres nos iuges ressortissans sans mopen en nosdictes cours pourront pceder a faire et parfaire les proces desditz malfauteurs et criminelz en leurs sieges principaulx et es aultres esquelz ilz ont acoustume de tenir leurs assises et durant icelles seulement non obstant oppositions et appellatiōs qlz conques et iusques a sentence diffinitive inclusiuement. et icelle faire executer. sinon q de ladicte sentence diffinitive en feust appellee en nosdictes cours. Duql cas le pces desditz criminelz avecqs iceulx criminelz sera enuoye en icelle court par nosditz baillifz seneschaulx et aultres nos iuges dessusditz le plus tost q faire se pourra pour icelluy veoir et iuger.

**pci**

**Item** et cōbien q par les ordōnances de feu nostre trescher seigneur et cousin q dieu absouille eust este ordōne de faire et parfaire le pces des gens Vaccabons q lon trouueroit de linguas non obstant oppositions ou appellatiōs qlzconques sinon en deux cas Cestassauoir quāt ilz sont appellans de la qstion ou de la mort ou aultre peine corporelle Neantmoīs pource q en nostre royaume ya grāt multitude de Vaccabōs et q on a trouue par experience q soubz couleur desdictes appellatiōs qlz interiectent plusieurs larcins et aultres malefices se cōmectent. Ordōnons q quāt telz notoirement Vaccabons serōt prins et apphēdez par nosditz baillifz seneschaulx et iuges ressortissans sans mopen en nosdictes cours: ilz pourrōt pareillemēt faire et parfaire les pces desditz Vaccabōs en leursditz sieges pūcipaulx. et es aultres esquelz ilz ont acoustume de tenir les assises et durāt icelles seullemēt iusques a sentēce diffinitive iclusiuemēt nō obstāt oppositions ou appellatiōs qlzconques. et icelles sentēces diffinitives faire executer Sinon q dicelles en soit appellee en nosdictes cours Duql cas sursera lexecution dicelle sentence. Et serōt lesditz criminelz menez en nosdictes cours avecqs leurs pces.

**pcii**

**Item** si telles manieres de gens Vaccabons et aultres qui auroient este fustiguez

**C**



efforeillez banniz et pugniz daultres griesues peines corporelles comme dit est dessus  
estoiēt de rechief apprehendez pour aultres cas par eulx cōmis de nouuel par aultres iu-  
ges que nosditz iuges ressortissans sans mopen en nosdictes cours lesditz iuges qui ainsi  
les auront apprehendez leur pourront faire et parfaire leur pces Mais si lesditz crimi-  
neulx appelloient deulx ilz seront amenez par deuers nostre iuge suzerain ou ledit appel  
ressortit Pour par luy cognoistre de l'article dudit appel.

pciii

**I**tem si estoit dit par nostredit iuge quil eust este mal iuge par ledit iuge inferieur  
et subalterne nostredit iuge pourra faire et parfaire le pces dudit crimineulx: non obstāt  
oppositions ou appellations quelzconques ainsi quil est dit es articles precedans. Et sil  
estoit dit bien iuge par ledit iuge inferieur: et ledit crimineulx en appellast a nous ou a  
nosdictes cours Neautmoins nostredit iuge le rēuopera par deuant ledit iuge inferieur  
pour mettre a epecution sa sentence: sinon quelle feust diffinitive Duql cas on enuopera  
ledit crimineulx avecques son pces par deuers ladicte court selon quil est cōtenu es arti-  
cles precedans.

pciiii

**I**tem et affin q lesditz baillifz seneschaulx et iuges royaulx puissent plus seurement  
pceder a decerner et bailler la qstion torture sentēce de mort ou aultre peine corporelle aus-  
ditz efforeillez banniz ou Vaccabōs dont dessus est faicte mention Auons ordōne et ordō-  
nons quilz appellent avec eulx six ou quatre pour le moins des cōseilliers et praticiens  
de leur auditoire non suspectz ne fauorables Lesquelz seront tenuz signer le pces senten-  
ce ou dictū qui sera donne a lencōtre desditz prisonniers sans desroger toutesuoyes aux  
coustumes vsaiges et droitz obseruez en plusieurs lieux particuliers de nostre royaume  
ou on a acoustume de iuger lesditz crimineulx en assistance par hōmes iugeās ou aultre  
notable ou cōpetant nōbre. Et pourrōt nosditz iuges cōtraindre lesditz praticiens a assi-  
ster a faire leurdit pces et a leur dōner cōseil touchant les choses dessusdictes par suspen-  
sion de postuler et par mulctes et aultres peines pecuniaires ainsi quilz verront estre  
faire par raison sans ce q pour les choses dessusdictes ilz puissent demander sallaire.

pcv

**I**tem ordonnōs q les informations et pductions des parties se feront doreseuānt  
es mains des greffiers de noz bailliages et seneschaucees et aultres sieges royaulx reser-  
ue les pductions q en daucuns lieux de nostre royaume se font es mains des enquesteurs  
Lesquelz enqsteurs incōtinent q les sacs seront fourniz et prestz a iuger serōt tenuz de les  
apporter es mains dudit greffier. leql greffier sera tenu de enregistrer lesdictes informa-  
tions et pductions qui luy seront baillees Sans ce ql en preigne riens: sinon q icelles par-  
ties ou aucunes dicelles voulsissent faire collations daucunes de leurs pieces. ouql cas  
il sera raisonnablement paye de son salaire selon la Vaccation quil aura faicte en la ma-  
niere acoustumee ou par la taxation raisonnable du baillif seneschal nostre iuge ou  
leurs lieutenans se mestier est.



**Item** et lequel greffier incōtinent lesdictes informations et productions par luy re  
ceues & dedans ledit iour quil les aura enregistrees entant que touche lesdictes informa  
tions et pour les autres proces dedans trois iours pour le plus tard sera tenu les presen  
ter a nosditz baillifz seneschaulx ou iuges ou leurs lieux tenans. Et ce quil les preigne ou face  
prendre par qui bon luy semblera. Et fera icelluy greffier mettre & escrire par celluy q  
les prendra son nom sur le chief dudit registre & le iour quil aura prins lesdictes informa  
tions et productions et len deschargera quant il recouvrera le dictum de lordōnance avec  
les sacs des parties.

**Item** nous enioignons a tous nos baillifz seneschaulx et iuges & leurs lieux tenans  
que en toute diligence ilz preignent deuers eulx lesdictes informations ou productions ou  
les distribuent ou facent bailler par lesditz greffiers a gens de bien non suspectz ne fauo  
rables aux parties. Apres quilz auront prins le serment deulx quilz nauront este ne ne  
seront du conseil desdictes parties esdictes matieres.

**Item** et enioignons aussi a nosditz baillifz seneschaulx & iuges ou leurs lieux tenans  
que ilz procedent en toute diligence a veoir ou faire veoir lesdictes informations & pour  
donner les cōmissions sur icelles ilz appellent nosz aduocat et procureur pour les leur cō  
muniquer. Et ce fait & apres deliberation prinse sur lesdictes informations sera fait ung  
dictum par escript signe de la main de celluy qui les aura veues et rapportees qui contien  
dra les prouisions tant dadiournemēs personnelz prinse de corps et aultres. Et sembla  
blement sera fait dictum par escript par la forme deuāt dicte des sentences diffinitives  
et interlocutoires sur les productions des parties. Lesquelz dictons seront baillez aux  
greffiers avec les sacs desdictes informations et productions.

**Item** que nosditz greffiers auant que riens soit sceu pronōce ou cōmunique aux par  
ties seront tenez de enregistrer lesditz dictons et les enfiller ensemble & garder les sacs  
par deuers eulx pour en respōdre et bailler les informations aux iours des adiournemēs  
personnelz ou si tost que par vertu dicelles prouisions aucuns seront emprisonnez a cel  
luy qui aura la charge de les interroguer ou faire leur proces et lesditz sacs & productions  
pour les rendre aux parties apres les sentēces par luy diligēment et veritablemēt gros  
sopees ou sil en est appelle les clore & euangeliser.

**Item** et ne sera demande aucune chose aux parties pour la Visitation desditz  
proces par ledit greffier sinon apres les dictons prononcez reserve pour les gros pro  
ces et de longue Visitation comme proces de fruitz de criees de discussions dypothē  
ques et taupations de despens et aultres proces esquelz seroit besoing assembler



gens de conseil & commissaires & les payer comptant. Duquel cas les parties mettront par deuers le greffier ce qui sera ordonne & tauxe raisonnablement par nosditz baillifs seneschaux & iuges ou leurs lieuten. pour payer et cōtenter lesditz conseillers & commissaires

**Ci**

**Item** que lesditz greffiers ne prononceront aucuns dictons ne les enregistreront s'ilz nont les sacs deuers eulx pour faire la sentēce au Bray selon le plaïdoie des parties sans superfluite de langage dont ilz prendront & de toutes aultres lectres d'importance & q's requerront mynute a la raison de vingt solz tourn. pour chascune peau de parchemin: de grandeur souffisante & loyaulment escripte pour le plus ou moins selon les coustumes & vsaiges des lieux. Esquelz en ce qui seroit moins que de ladicte raison de .xx. solz tourn. pour peau de parchemin nous ne entendons aucunement desroguer.

**Cii**

**Item** & au regard des aultres lectres qui ne requierent mynute cōme vidimus actas & aultres lectres communes lesditz greffiers en seront payez selon les coustumes raisonnables des lieux.

**Ciii**

**Item** nous ordonnons q' le geollier ou garde des chartres & prisons seront tenuz de faire vng grant registre de grant volume de papier se faire se peut dont chascun fueillet sera ploye par le milieu Et d'ung coste serōt escriptz & de iour en iour les noms & surnoms estatx & demourances des prisonniers qui seront amenez en ladicte chartre. par qui ilz seront amenez. pour quoy. a la requeste de qui. & de quelle ordōnance. & si cest pour debte et quil y ait obligation soubz seel royal. la date de lobligation & le domicile du creancier y seront enregistrez semblablement.

**Ciiii**

**Item** et de lautre coste de la marge dudit fueillet sera enregistre lescroue eslargissement ou descharge desditz prisonniers telle quil luy sera enuoyee & bailllee par le greffier sur le registre dudit emprisonnement sans ce quil puisse mettre hors ou deliurer quelque prisonnier: soit a tort ou a droit sans auoir ladicte escroue dudit greffier sur peine de l'amende enuers nous: destre contrainct de rendre ledit prisonnier ou satisfaire pour luy.

**Cv**

**Item** ledit greffier sera tenu d'auoir vng registre ouquel il escripra la deliurance eslargissements et toutes aultres expéditions de chascun prisonnier en brief. en mettant le iour de son emprisonnement Par qui et comment il sera expédie Sans tautessfoiz declarer les proces ne les informations quil gardera par deuers luy. Et incontinent ladicte expédition faicte baillera ou enuopera ledit greffier audit geollier ou garde des prisons vne escroue ou breuet contenant le iour et forme de lexpédition. Et aura ledit greffier pour chascune escroue et expédition quinze deniers tournois et non plus ou moins selon les coustumes des lieux Sinon que ledit greffier eust vacque a interroguer



et faire le proces dudit prisonnier. Duquel cas il sera paye de sa Vaccation raisonnablement ainsi qu'il est acoustume de faire.

**Lvi**

**Item** que tout emprisonnez arrestez ou adiournez a comparoir en personne seront par nosditz baillifs seneschaulx et iuges ou leurs lieutenans interrogez a toute diligence et seront les matieres expediees sommairement et de plain nosz aduocat et procureur et les parties ouyes

*Item que tout emprisonnez*

**Lvii**

**Item** incotinent seront mostrees les informations et confessions desditz adiournez arrestez ou emprisonnez a nosz procureur et aduocat pour requerir ce qu'ilz verront estre a requerir pour le bien de iustice ou nostre interestz. Sans ce que riens en soit monstre ou comuniquer aux parties.

**Lviii**

**Item** et ce fait sera appointe que lon procedra extraordinairement. ou se les parties seront ouyes: ou quel cas elles seront ouyes en iugement en plain auditoire auant que y donner appointement. Et ce fait seront lesdictes parties appointees par nosditz baillifs seneschaulx et iuges ou leurs lieutenans. ainsi que raison deura lesdictes informations et confessions demourans secretes deuers ledit greffier. Sinon que nostre procureur par le conseil de nostre aduocat voulsist prendre droit par la confession desditz adiournez arrestez ou emprisonnez. Duquel cas la partie aduerse desditz adiournez en personne arrestez ou emprisonnez sera appelee et luy sera ladicte confession comuniquée si elle le requiert par les mains de nosz aduocat et procureur. Affin de declarer si elle veult prendre droit ou non par ladicte confession.

**Lix**

**Item** se nostredit procureur ou la partie vouloient prendre droit par ladicte confession ilz bailleront leurs conclusions par escript seulement. Auxquelles le confessant pourra respondre affin de actenuation tant seulement. Et ce fait leur sera fait droit ainsi que de raison.

**Lx**

**Item** quant aux prisonniers ou autres accusez de crime. Ausquels faudra faire proces criminel. ledit proces se fera le plus diligement et secretement que faire se pourra en maniere que aucun nen soit aduertý pour euer les subornations et forgemens qui se pourroient faire en telles matieres en la presence du greffier ou de son comis. Sans y appeller le geoffier sergens clerks seruiteurs et tous autres qui nauront le serment a nous et a iustice.

**Lxi**

**Item** se feront toutes les diligences necessaires de plus amples informations recollements ou confrontations de tesmoins ou pour la veriffication de la libi ou autre fait saulcun en pa receuable. Pour ou contre le prisonnier le plus diligement et secretement que faire se pourra en maniere que aucun nen soit aduertý.



**Lxvii**

**I**tem et lesditz proces faitz a toutes les diligēces dessusdictes iusques a la question ou torture nosditz baillifs seneschaulx et iuges ou leurs lieuxptenans feront deliberer ladicte question en la chambre du conseil ou aultre lieu secret par gens notables et lectrez non suspectz ne fauorables et qui nauront este du conseil des parties presens ou appelez nos aduocat et procureur et ladicte question deliberee la feront incōtinent epecuter sans diuertir a aultres actes se faire se peut. sinon le iour ensuyuant sans riens en dire ne reueler a personne.

**Lxviii**

**I**tem que a epecuter ladicte question ou torture ledit greffier sera p̄sent qui escripra les noms des sergens et aultres presens la forme et maniere de ladicte question et la quantite de leaue q̄ on aura baillee audit prisonnier et par quātesfoiz la reiteration de torture faulcune en y a. les interrogatoires et responses avecques la perseuerance du prisonnier. sa constance ou variation. Et le lendemain de ladicte question sera de rechief interrogué ledit prisonnier hors du lieu ou il aura eu ladicte torture pour veoir sa perseuerāce. et sera le tout escript par ledit greffier.

**Lxix**

**I**tem nous defendons a tous nos baillifs seneschaulx et iuges ou leurs lieuxptenans quilz ne pcedent a reiterer de nouueau ladicte question ou torture audit prisonnier sans nouueaulx indices.

**Lxx**

**I**tem que apres le deuoir fait par iustice tant de question confrontation ou aultrement ledit proces et tout ce qui aura este fait en la matiere sera veu et visite par nosditz baillifs seneschaulx et iuges ou leurs lieuxpten. Et eu sur ce conseil de gens non suspectz ne fauorables cōme dit est dessus presens nos aduocat et procureur Pour prandre le conseil de ce qui sera de faire pour le bien de iustice. Et escripra le greffier les oppinions et deliberations Et sera le tout tenu secret sur peine de punition corporelle cōtre les reuelans ou aultrement selon le p̄igence des cas.

**Lxxi**

**I**tem et sil est cōclud q̄ ledit prisonnier soit cōdāne a mort ou aultre peine corporelle. nosditz baillifs seneschaulx et iuges ou leurs lieuxptenans prononceront leur sentence en plain auditoire ou en la chābre du cōseil sup estant en la chartre et prisons selon les souables coustumes des lieux Esquelz lieux de lauditoire ou de ladicte chābre sera mene ledit prisonnier et sup sera prononce ladicte sentence en la presence du greffier qui lenregistrera ou liure des sentences. et sil nen est appelle assistera avec ledit prisonnier et lacōpaignera iusques a ce que ladicte sentence soit epecutee et le iour mesmes.

**Lxxii**

**I**tem quāt aux aultres cas non requeras punition corporelle si nos aduocat et pro-



cureur soient q la matiere soit disposee a prandre droit par le proces la partie sera appelee et luy sera la confession communiquee par les mains de noz aduocat et procureur pour estre procede ainsi que dit est dessus.

**Lxxviii**

**I**tem et si par ledit proces extraordinaire deuement fait on nauroit peu riens gagner & il seroit besoing ouyr les parties & les recevoir en proces ordinaire Nostitz baillifs seneschaulx & iuges ou leurs lieux tenans ordonneront que les parties seront ouyes par cōseil a certain iour Auquel le prisonnier sera mene en iugement et la matiere plaïdoee publicquement. Et seront les parties ouyes et aussi nostre aduocat ou nostre procureur le prisonnier present Et si ledit crimineulx estoit porteur de lectres de remission ou pardon il les presentera a genoulx pour au surplus les appoincter en iugement et au conseil ainsi que de raison.

**Lxxix**

**I**tem et en matieres criminelles quant les parties sont appoinctees cōtraires et en enqueste si la matiere y est disposee le prisonnier sera essargy en baillāt bōne et souffisant caution de comparoir en personne au iour q lenqste se deura rapporter ou estre receue.

**Lxxx**

**I**tem que en toutes matieres criminelles lenquesteur ou cellui qui aura fait les enquestes sera tenu de faire rapport du secret de son enqueste a noz baillifs seneschaulx & iuges ou leurs lieux tenans Et si mestier est monstrier et cocter les principaulx tesmoings a nostitz baillifs seneschaulx et iuges ou leurs lieux tenans en la presence de noz aduocat et procureur ou iceulx appeller auant leur rapport ou reception de ladicte enqueste pour cōclurre & delibérer entre eulx pour le bien de iustice cōme on deura pceder contre laccuse au iour de son essargissement affin de le restraindre faire confrontations ou aultre procedure contre luy selon que la matiere y sera disposee.

**Lxxxi**

**I**tem que en toutes matieres criminelles se lon trouue que en voyant et cōsultant le proces ordinaire que le prisonnier essargy doïue estre cōdāne en aulcūe peine corporelle criminele ou ciuile nostitz baillifs seneschaulx & iuges ou leurs lieux tenans serōt restraindre ledit prisonnier ou en aduertirōt nostitz aduocat & procureur pour en faire la diligēce affin que iustice soit assuree de la personne du condamne et que la sentence soit pronōcee en sa presence et incontinent epecutee.

**Lxxxii**

**I**tem que toutes amendes seront tauees par vngmesme registre avecques la cōdamnation appelez noz aduocat et pcureur et aultres apās interestz & eulx ouys sans les tauper secretement ne par registre a part de laqle taupation nostre recepueur pourra leuer vng roolle se bon luy semble.



**Lxxiii**

**I**tem que les condânez en l'amende enuers nous tiendront prison iusques a ce que payement soit fait Et ne pourra le greffier bailler escroue ne deliurâce audit condamne sil na la quittance de nostredit recepueur ou les deniers en ses mains dont il sera tenu respondre a nostre recepueur.

**Lxxiiii**

**I**tem semblablement les condânez en amende et a tenir prison pour l'interest de la partie ne seront deliurez sans ce que le cōsentement de ladicte partie soit enregistre duquel ledit greffier fera mention en son escroue.

**Lxxv**

**I**tem a au regard de ceulx qui auront fait faire aucuns emprisonnemēs a tort ilz tiendrōt prison iusques a ce quilz apent paye les dommaiges a interestz telz quilz seront taupez par iustice et quil en soit apparu par l'escroue dudit greffier.

**Lxxvi**

**I**tem que tous porteurs de remission pardon ou aultres de quelque estat que ilz soient seront tenez de les presenter en iugement a en sera fait lecture en leur presence nue teste a a genoulx. noz pcurer a aduocat a les parties saulcunes en ya appelees. Et sera le requerant interrogué par sermēt si lesdictes lectres contiennent verite: et sil en demāde l'enterinemēt. Et incōtinent requiere ou non sera rēuoye en prison pour estre plus amplement interrogué sur le cas: mesmement sur les informations saulcunes en ya. Et sil ya informations precedentes ou subsequentes lesdictes lectres qui se chargent plus que le contenu en ses lectres a la matiere y est disposee lon procedera contre luy extraordinairement sur la surreption ou oreption desdictes lectres selon le contenu esdictes informations ainsi que dit est dessus des aultres crimineulz.

**Lxxvii**

**I**tem et si lon trouue lesdictes lectres de remission pardon la cōfession dudit prisonnier et lesdictes informations conformes et consonans noz aduocat et pcurer avec les parties seront oupes pour au surplus estre procede a l'enterinemēt desdictes lectres ainsi quil appartiendra par raison.

**Lxxviii**

**I**tem nous defendōs a tous nosditz baillifz seneschaulx a iuges ou leurs lieuxpten. noz aduocat a procureur tous greffiers enquesteurs a tous noz aultres officiers quilz ne preignent ne exigent doresenauant cinq solz tournē. ne aultre somme de deniers ne choses equipollentes par eulx ne par interposites personnes pour les esslargissemens desditz prisonniers adiournez a comparoir en persōne ou arrestez quelque coustume louable ou vsaige qui soit au cōtraire Laquelle nous auōs abolye et abolissons. Et semblablement defendons tant a nosditz baillifz seneschaulx a iuges ou leurs lieuxptenans enquesteurs



greffiers que a nosditz procureur et aduocat que pour l'enterinement desdictes lectres de remission pardon ou rappeau de ban ilz ne preignent aucune chose par eulx ne par interposite personne sur peine de suspension ou priuation de leurs offices quelque coustume ou vsaige qui puisse estre au contraire.

**Cxxxix**

**I**tem nous enioignons ausditz greffiers quilz facent registre de to<sup>r</sup> appointemens sentences interlocutoires et aultres actes iudiciaires. sur lesquelz registres lesdictes expéditions seront leuees quant les parties le requerront par vng petit breuet de parchemin quant a celles qui ne seruent que pour instruction de la cause & n'emportent aucune commission ou decision sil nen estoit appelle. Lequel breuet sera signe dudit greffier ou son commis seullemēt sans y faire apposer signet seel ou marque de nosditz baillifz seneschaulx iuges royaux ou leurs lieuten. & sans en prendre aultre chose q<sup>e</sup> le droit du greffier aisi quil est acoustume raisonnablement.

**Cxl**

**I**tem nous defendons a nosditz greffiers quilz ne signent riens des expéditions et appointemens qui ne soient contenuz en leur registre & quilz n'ayent que vng clerc qui signe en leur absence. Et oultre q<sup>l</sup>z n'ayent aucuns clercs de quoy ilz ne deussent respondre & q<sup>l</sup> ne soiēt experts en pratique bien famez & renommēz & aiēt fait le serment a iustice.

**Cxli**

**I**tem nous ordonnons que nosditz baillifz seneschaulx et iuges ou leurs lieuten. ayēt iours ordinaires & deputez pour ouyr les plaidoyries & aultres iours de p<sup>seil</sup> pour iuger les proces selō les coustumes louables des sieges & es lieux ou il ny auroit aucune coustume de ce nous voulons y estre pourueu par noz officiers et voulons quilz soyent tenuz de vacquer a l'expedition des prisonniers a iour de vendredi & tous les aultres iours de la sepmaine quant mestier sera.

**Cxlii**

**I**tem nous defendons a tous noz baillifz seneschaulx et iuges quilz ne facent aucunes institutions d'aucuns officiers ou de maistres de mestier sans appeller noz aduocat et procureur et aultres ayans interestz en la matiere. En declairāt tout ce qui auroit este fait au contraire de nul effect et valeur.

**Cxliii**

**I**tem nous enioignons a tous noz baillifz seneschaulx et iuges ou leurs lieuten. que auant que eulx leuer de leurs sieges ilz facēt lire et publier tous les defaulx qui par eulx ou l'ung d'eulx auroient este baillez cedit iour & quilz facent que les presens soyent rabatus sans riens payer en prenant appointement et procedant a la cause. Et ce fait & nosditz iuges ou leurs lieuten. leuez ne seront plus rabatus lesditz defaulx sans cause



legitime ne sans appeller les parties qui les auroient obtenuz Et sans ce que celluy qui aura obtenu ledit default puisse estre mis en default dudit iour.

**Cxxxiii**

**I**tem q les procureurs qui comparoistront pour les parties seront tenuz de mettre leurs procurations au greffe silz en sont requis & seront tenuz lesditz greffiers de les enregistrer si lesditz procureurs pour les parties les veulent recouurer. sinon les enfiler & garder pour seruir et valloir ce que de raison.

**Cxxxv**

**I**tem auons enioinct a nostre chancelier et luy defendons expressement que d'aque chose q luy pussions dire ou escrire au contraire par importunite de poursuite ou aultrement que les lectres qui serot deliberees par nostre conseil pose ores quelles feussent par nous comandees: soient seellees et expediees ou reiectees selon et en ensuyuant ce qui en fera conclud et delibere par nostredit conseil.

**Cxxxvi**

**I**tem nous ordonnons que les principales parties qui ont lectres a seeller leurs seruiteurs et sollicitateurs n'entrent point au seau affin que les lectres puissent mieulx et plus franchement estre deliberees et debatues en leur absence Et aussi n'entrent audit seau que les maistres des requestes de nostre hostel conseillers secretares et aultres necessaires pour le fait dudit seau. Lesquelz seront tenuz de faire serment es mains dudit chancelier de non reueler en maniere aucune aux parties les ditz et oppinions de ceulx qui auront parle de la despesche de leurs lectres.

**Cxxxvii**

**I**tem que les rapporteurs de chancellerie feront serment de dire et declairer la diffi culte quilz verront et trouueront estre es lectres quilz rapporteront.

**Cxxxviii**

**I**tem que noz secretares feront semblablement serment de non riens prandre pour la seulle et simple signature des lectres.

**Cxxxix**

**I**tem & pource q souuent aduient que les contes barons cheualiers gentils homes & aultres ayans terres hommes et subgetz en nostre royaume pays & seigneuries se tra uassent iournellement de leuer sur leursditz homes et subgetz et aultres leurs boyssins plusieurs sommes de deniers quantitez de grains et de vins coruees charroys et aultres choses extraordinaires tant par remonstrances quilz leur font & font faire de les garder de gens darmes menasses que aultres boyes indeues et desraisonnables a la grāt foulle de nostre peuple. Doulans a ce pourueoir & garder nosditz subgetz de toutes oppssions



et fouilles comme raison est nous auons fait et faisons inhibition et defense a toutes manieres de gens de quelque auctorite preheminance et qualite quilz soient : quilz ne prennent ne exigent ou permectent prandre ou exiger en leurs terres et sur leurs homes & subgectz ou aultres aucunes exactions indeues par forme de don tailles aydes couues ne aultrement indeuement sinon es cas esquelz ilz leur seront tenuz et redeuables et les y pourront contraindre par iustice sans leur vouloir et consentement sur peine de rendre le double. Et quant aux parties payans de peine arbitraire.

**Cxxxix**

**I**tem pource que auons este aduertiz q nos gouuerneurs baillifz seneschaulx & iuges leurs lieuten. & aultres nos officiers soubz couleur de leurs offices prennent plusieurs dons des notaires sergens & aultres ests de leurs gouuernemens bailliages seneschaulcees & iurisdicions. Et iceulx pour ces causes auons prohibe et defendu prohibons & defendons quilz ne preignent ne recoient par eulx ne par interposites personnes aucune chose soit par forme de don gratuite liberalment fait ou aultrement en quelque maniere q ce soit desditz notaires sergens et aultres nos subgectz dessusditz sur peine de priuation de leurs offices et quant a nosditz subgectz damende arbitraire.

**Cxl**

**I**tem et pource que auons este aduertiz que plusieurs seigneurs & gentilz hommes mettent par chascun iour leuages et nouueaulx subsides sur les marchandises qui se mettent sur les riuieres et fleues nauigables a la grant charge de nostre peuple Pour ces causes auons ordonne et ordonnons que en chascun fleue ou riuere nauigable les marchans frequentans lesdictes riuieres et fleues pourront faire bourse commune et imposer sur leurs marchandises aucunes sommes de deniers pour la tuition et defense de leurs marchandises le tout en la forme et maniere de la bourse establie par les marchans frequentans la riuere de l'opre.

**Cxli**

**I**tem et pour obuier aux abus qui ont este faitz parcy deuant es seaulx rigoureux et mesmement du petit seel de montpellier: est ordonne ce qui sensuit. Et premierement q dorresenauant dung mesme debte terme ou somme escheue a payer: le creancier ne pourra exposer vne clameur de tout ledit debte ou partie dicellui ainsi q bon luy semblera iusques a ce que ladicte clameur soit entierement & deuement excecutee. Et sil aduenoit quil y eust opposition ledit creancier ne pourra aultrement clameur exposer iusques a ce quelle soit vuidée et terminee par sentence non obstant que en linstrument les parties ayent consenti et accorde du contraire.

**Cxlii**

**I**tem que la garde dudit petit seel ou ses lieutenans ne pourront recevoir aucune clameur sans deoir linstrument obligatoire passe a la rigueur dudit petit seel signe & ta



<sup>ip</sup>  
Bessionne. & que le créancier mette ou face mettre par main du lieutenant par lequel se ex-  
posera ladicte clameur au dos dudit instrument la somme pour laquelle voudra exposer  
ladicte clameur & le liure ou feuillet sera enregistré et par qui sera exposé.

**Cpliii**

**I**tem que lesditz créanciers seront tenuz exposer lesdictes clameurs qz voudront ex-  
poser cōtre leurs debteurs au plus pchain siege dont sera ledit debteur ou créancier. & les-  
quelz clameurs ledit créancier fera exécuter par les prochains sergens dudit petit seel du  
dit lieu dont sera ledit debteur. Et sera permis ausditz créanciers de porter et p̄senter eux-  
mesmes ou faire porter et presenter sans sergent dudit petit seel lesdictes clameurs aux  
iuges et officiers ordinaires dont seront leurs debiteurs pour les faire mettre a exécution  
Et en cas de reffuz ou delay q les ordinaires ne voudroient exécuter ou faire exécuter  
lesdictes clameurs sera licite aux créanciers ou messagiers prendre les plus pchains ser-  
gens de ladicte court dudit petit seel dont seront lesditz debiteurs.

**Cpliiii**

**I**tem lesditz lieuxpten. de ladicte garde ne pourront ne deurot arrester ne prendre a  
ferme les decimes & emolumens dudit petit seel ne aucun mebre dicelluy Et pareillemēt  
ne pourront estre parconniers ne auoir intelligence avec les fermiers desdictes decimes  
& emolumens Pour obuier aux cōcussions & abus quilz p pourroient faire & pmettre sur  
peine de priuation d'office et d'amenue.

**Cplv**

**I**tem q apres q ladicte clameur sera exposee ledit garde fessditz lieuxpten & fermiers  
desdictes decimes et emolumens actendront trops moys ou le quarteron quil soit passe  
auāt qz puissent cōtraindre ledit debiteur pour ladicte decime cōtre qui sera expose ladi-  
cte clameur pour les decimes & emolumens dicelles. Et si ledit debiteur se oppose a sen-  
cōtre de lexecution de ladicte clameur Pareillement ne pourrōt epiger ne leuer lesdictes  
decimes & emolumens iusques a ce q ladicte cause soit finie & terminee par sentence. Et ce  
fait dedans le tēps & terme de cinq ans deura epiger & recouurer lemolumēt desdictes cla-  
meurs et decimes. Sans ce q passe ledit tēps luy soit permis en demander aucune chose.  
Et en ensuyuant les ordonnā. anciēnes & stille dudit petit seel seront tenuz lesdictes gar-  
des et lieuxpten. ou fermiers demander les emolumens & decimes desdictes clameurs au  
dit debiteur a leurs despens vne fois tant seulement auāt q pour icelles les puissent en-  
uoyer exécuter ou faire despesse.

**Cplvi**

**I**tem pource q les gardes dudit petit seel le tēps passe ont employe & augmente les  
sieges plus q le nōbre contenu es ordonnā. & institutions dudit petit seel oultre les lieux  
ordōnez d'anciēnete. Cest assauoir de pezenas: carcassonne: clermōt en auuergne: tholouse  
alby: villefrāche: mende: villeneuve lez auignon. le pont saict esperit: le pup: lyon: saict  
flour: paris: vzes: gignac & tulle. et ont estably lieuxpten en aultres diuers lieux oultre  
les lieux dessusditz & en plus grāt nōbre A este ordōne q les sieges ou lieuxpten seront re-  
duitz audit nōbre ancien seulement selon ladicte institution & fondation dudit petit seel.



**Lxxvii**

**I**tem a cause q par cy deuât lesditz lieuptenâs prenoient cinq solz tourn. pour les registre lectres et seel **A**este ordonne que doreseuuant ladicte garde ne lesditz lieuptenâ ne prandra ne recouurera pour ses emolumens desdictes clameurs sinon ce que anciene ment & par la fundation dudit petit seel leur a este taupe & ordône qui est pour la fonda tion cômmission clameur de seel douze deniers parisis. & pour la quictâce douze autres de niers tant seulement qui sont deux solz six den. tourn. Et touchant la decime ne sera leue que la iuste et braye decime de la somme pour laquelle la clameur a este exposee avec se molumet dune maille pour liure quât le debte excedera la somme de vingt liures tourn.

**Lxxviii**

**I**tem pource que lon a trouue en plusieurs lieux les clerks ou cômis des gardes et lieuptenâ qui portoient grant multitude de roolles pour epecuter & leuer les decimes des clameurs parquoy se faisoient & cômectoient plusieurs abus & faulsetez **A**este aduise q chascun lieuptenâ fera vng liure ou carte se besoing est cestassauoir vng pour chascun quar teron Lequel liure ou liures serôt reliez en bonne forme & apres sera escript au cômance ment dudit liure par ladicte garde ou son lieutenâ principal le nombre des fueilletz et si gne apres de son seing manuel & icelluy liure en fille & seelle du seel de ladicte court affin quilz ne se puissent changer Et pareillement sera mis audessus dudit liure le nom ou le ctre de ladicte garde ou sondit lieutenant tel quil voudra q se nôme ledit liure. Lesquelz lieuptenâ de ladicte garde seront tenez porter lesditz liures pour les signer et seeller côme dit est audit motpellier chascun an a la feste saint loys ou q ladicte garde ou sondit lie uenant se bon luy semble puisse aller sur les lieux et sieges pour ce faire.

**Lxxix**

**I**tem que lesditz lieuptenans seront tenez enregistrer oudit liure incotinêt les cla meurs exposees auant quilz en puissent bailler aucunes lectres Et seront lesdictes cla meurs escriptes si pres lune de lautre quil ny pourra aucune chose estre adioustee et con tinuee iusques a la fin du fueillet: affin que pareillement aucune chose ne se y puisse ad iouster ou mettre. Et aps vne chascune clameur sera rapee & ce qui demourera a escripre eligne au bout du fueillet. & a la fin de chascun quarteron ou annee sera permis a la gar de & aux fermiers desdictes decimes prandre et recouurer es liures originaulx des lieux tenans en payant ou saccordans des droitz & emolumens avec lesditz lieuptenans pour leurs droitz & le registreur de ladicte ville de montpellier ne prandra tant pour les quictâ ces registres que lectres de clameurs que ainsi quil est acoustume. et baillera a la fin de chascun quarteron le liure audit garde ou fermier ou le double collaciône en luy payant raisonnablement ce qui sera aduise.

**Ll**

**I**tem ne pourrôt iceulx lieuptenans receuoir aucune clameur hors leurs sieges ne bailler aucuns blancs a leurs clerks ne a aultre pour les porter par le pays ne faire aucun cômis estans hors desditz sieges dessus nômez Sur peine de cent liures tourn. damêde a nous a applicquer pour chascune foiz quilz seront trouuez faisans le contraire.

**D**



**Lxi**

**I**tem seront tenuz lesditz notaires et lieuxpten qui signeront les lectres executoires desdictes clameurs mettre icelles lectres executoires et aussi les roolles pour leuer lesdictes decimes et clameurs qui se feront. **L**estassauoir le nom qui aura expose ladicte clameur. **V**idelicet creditoris. et contre qui aura este expose scz debitoris. et lan et iour qui sera expose. et lan et iour de l'instrument ou obligation et de signer le nom du liure et du fueillet ou ladicte clameur aura este exposee. **E**t ladicte designation dudit fueillet: et se fera apres le nom du liure et du fueillet ou ladicte clameur aura este exposee. **E**t apres se mettra la date et specifiera la somme duee pour lemolument de la decime. **E**t pareillemēt en la quittance sera specifiée la somme qui aura este receue tant pour la decime que pour les emolumens dicelle. **S**ur peine de payer le quadruple et damende arbitraire.

**Lxii**

**I**tem pour obuier aux despēses que les sergens font aux debiteurs au moyen des annexes quilz vont obtenir des seneschaulx baillifs ou viguiers aucunesfoiz deux ou trois iournees loing des debiteurs. **A**este ordōne que desdictes clameurs dudit seel ne se prendra aucune annexe ou lectres de pareatis. fors seulement que le sergent porteur desdictes clameurs sera tenu de insinuer icelles aux officiers ordinaires ou il viendra faire ladicte exécution ou ledit debiteur sera sa residence. **L**esquelz ordinaires seront lesdictes exēcutiōs ou les feront faire. **E**t silz estoient refusans et en demeure: lesditz sergēs pourront faire ladicte exécution et non autrement. **E**t si ledit creancier veult enuoyer vng sergent du lieu ou il fait sa demeure il ne sera paye si nest comme il eust este prins au plus prochain lieu du debiteur. **E**t dehors le royaume seront cōme par auāt ioupte ledit stile.

**Lxiii**

**I**tem et silz ont a faire plusieurs exēcutiōs en vne ville ou villages de la enuiron lesditz sergens le feront tout en vng iour ou ce que possible leur sera. et ne leur sera paye pour toute leur iournee encores quilz facent plusieurs exēcutiōs q̄ diront solz tournē pour iour silz sont a cheual. et cinq solz tournē silz sont a pie.

**Lxiiii**

**I**tem et affin que lesditz sergēs ne facent raencōner lesditz debiteurs. **A**este ordōne que lesditz sergens se feront payer et contenter de leurs iournees par le creancier et fermer impetrās de ladicte clameur ou roolles desdictes decimes selon ladicte taupe qui depuis recouurera ladicte despēse sur lesditz debiteurs. **S**ans pouoir leuer ne exiger aucune chose desditz debiteurs sur peine de perdre son salaire et damende arbitraire.

**Lxv**

**I**tem q̄ ledit sergēt sera tenu auoir sa lectre doffice de nous apres quil sera nōme par la garde et dedans vng an obtenir la cōfirmation aussi de nous et p̄senter noz lectres pour estre veriffiees par le iuge ou garde deuant lesquelz ou l'ung deulx baillera ses pleiges et cautiōs et sans icelles ne luy sera obey. **E**t sil estoit trouue ledit sergent abuser et



enfreindre lesditz articles pourra estre arreste et pugnny par lesdictes ordonnances selon le pignee du cas Et seront les noms desditz sergens enregistrez en ung tableau a la court dudit petit seel pour y pourueoir quant couiendra pourueoir ausditz offices par mort forfaiture ou autrement.

**Lxi**

**C**Item et pource q plusieurs debiteurs pour frauder leurs creanciers le temps passe ont fait et font plusieurs discussions boulentaires et saintes en ladicte court par le moyen d'aucunes intelligences quilz ont avecques certains saintz creanciers soubz ombre de ladicte discussion impetrent lectres par lesquelles lesditz creanciers ne peuvent poursuiure leurs debtes dont aucunes fois font durer ladicte discussion quarante ou cinquante ans a la grant fousse et deception du peuple Aeste aduise pour obuier a telles malices et abus q incotinent introduicte ladicte discussion les creanciers nauront q deux delais a iustifier leur opposition et debte. Et incotinent icelles iustifiees sera ordone les biens de celluy qui aura introduict ladicte discussion estre venduz et deliurez a l'equant publique et le pris porte deuers la court pour icelluy distribuer es locatiōs selon priorite et posteriorite en ensuyuant disposition de droit. et q nulles saintes prioritez ne seront admises par ledit iuge Sur peine damende arbitraire.

**Lxii**

**C**Item et pour corriger et pugnir chascun an les abus pilleries roberies et exces qui se pourroient faire en ladicte court par lesditz lieux pte sergens ou autres et pour venir et estre a la confrairie de saint loys et payer ladicte confrairie come a este acoustume seront tenuz lesditz lieux pte et sergens de ladicte court dudit petit seel venir en personne chascun an au dit motpellier a ladicte feste saint loys come est de coustume et ioupte le stille dudit petit seel Et ce sur peine de priuation de leurs offices et d'aultre amende arbitraire.

**Lxiii**

**C**Item pource q les aduocats de ladicte court ont ia pieca itroduit vne nouuelle itroduction de cause en ladicte court pour multiplier proces et escriptures sans estre obligez audit petit seel par moyens obliques et par remissions transportz et cessions quilz font des vngs aux autres et q lon appelle trebellianne qui est exorbitant et contraire a droit Aeste et est ordone q totalement lesdictes trebelliennes seront abolies cassees et adnullées et ne sera loisible ausditz iuges receuoir ne admettre dorisenauant semblables itroductions.

**Lxiv**

**C**Item pource q les aduocats et notaires pour leurs patrocines font grans exactions et prennent pour chascun terme cinq sols chascun deulx A cause de quoy multiplient proces et escriptures. et ou les causes selon l'ancien stille d'oyent estre diuidées en quatre termes prolonguent par plusieurs termes superfluz. pour reprimer telles exactions indeues Aeste ordonne q lesditz aduocats et notaires ne prandront chascun pour chascun terme q deux sols six deniers tourn. Et ne leur sera riens taupe des termes et escriptures superflues.

**D ii**



**Item** cōbien que le iuge dudit petit seel soit iuge cartulaire **T**outesfoiz au moyen des rescriptz de chācellerie impetrez par les parties venans en cause depuis q̄lle est intro-  
duicte ledit iuge cognoist indifferēmēt en forme de proces ordinaire et par ainsi occupe le  
premier ressort du seneschal & obmisso medio font reuoluer les appellatiōs en parlement  
**A**este ordōne q̄ ledit iuge en iugeāt ledit pces pēdāt par deuāt luy naura esgard ausditz  
rescriptz sinon tel q̄ de droit. **E**t iceulx non obstant se deuolueront lesdictes appellations  
en ladicte court du seneschal cōme premier superieur.

**¶** *Item* pour lesquelz noz ordōnances garder obseruer et entretenir de point en point selon leur forme ⁊ teneur Nous auōs ordōne et ordōnons q̄ tous nosditz p̄sidēs et cōseillers p̄cureurs et aduocatz les quatre notaires greffiers et huissiers de noz cours de parlement seront leurs sermens en la forme et maniere qui sensuit. Et p̄mierement lesditz p̄sidēs iureront de garder et entretenir ces p̄sentes noz ordōnances en ce qui leur en touche ⁊ peut toucher Et aussi les anciennes faictes par noz p̄decesseurs roys par ceste non desroguée Aussi iureront les faire entretenir a noz cōseilliers de ladicte court de point en point. Et p̄mectrōt sil vient a leur cognoissance q̄ aucuns des cōseilliers soient infracteurs dicelle de no<sup>9</sup> en aduertir la ou ladicte court ny auroit pourueu. Et de mettre toute diligēce a eulx possible de senquerir des transgresseurs Semblablement feront tel sermēt que dessus les p̄sidents des enquestes faire garder et entretenir nosdictes ordonnances chascun en leurs chāmbres. Et nosditz cōseilliers iurerōt cōme dessus de porter honneur et reuerēce a leursditz p̄sidents obeyr a ladicte court Aussi garder ⁊ entretenir cesdictes p̄sentes ordōnances ⁊ les anciēnes cōme dit est par cestes non desroguées sans aucunement les enfreindre ne venir au contraire. Et en oultre les aultres sermēs quilz ont acoustume de faire. Et pareillement noz aduocatz et procureurs generaulx les quatre notaires greffiers et huissiers de nostredicte court de parlement feront le serment dessusdit de garder et entretenir nosdictes ordonnances chascun en son regard.

**¶** Si donnons en mandement en oultre par ces mesmes p̄sentes A noz amez et seaulx cōseilliers les gens tenans nostre court de parlement a Paris &c. Que nosdictes p̄sentes ordonnāces ilz facent lire & publier en leurs cours iurisdicciōs & auditōires et icelles enregistrer affin de perpetuel memoire. Et au surplus les gardent obseruent et entretiēnent ou facēt garder obseruer & entretenir iuiolablemēt sans enfreindre de point en point selon leur forme & teneur. Et pource q̄ de ces p̄sentes len pourra auoir a faire en plusieurs & diuers lieux No<sup>r</sup> Vouloirs q̄ aux Vidim<sup>r</sup> dicelles ou de lextraict de lung ou de plusieurs articles dicelles selon quilz serōt requis et q̄ lon en pourroit auoir a besongner saiz soubz seel royal ou par lung des greffiers de noz cours de parlemens bailliages ou seneschaucees deuement collaciōne soy soit adioustee cōme a ce present original. Auquel affin que ce soit chose ferme et estable a tousiours nous auōs fait mettre nostre seel. Dōne a bloys ou mōys de mars Lan de grace Mil. CCC. xciiii. Et de nostre regne le p̄mier. Sic signatum Par le roy en son conseil. ouquel messeigneurs les cardinal damboise et duc de lorraine &c. Disa Robertet.





**D**ys par la grace de dieu roy de france A tous ceulx qui ces p̄sentes lectres  
verront salut L'ome puisnagueres par l'aduis et deliberation de plusieurs  
des princes & seigneurs de nostre sang & lignaige plat & aultres bons gr̄s  
et notables parsonnaiges et gens de nostre cōseil de noz cours de parlem̄s  
et aultres pour ce assemblez en gr̄t nōbre Nous ayōs fait auctorise et decrete plusieurs  
notables cōstitutions statuz et ordonnāces touchant le fait de la iustice de nostre royaume  
Concernās le bien de nous nostredit royaume et la chose publicque dicelluy & icelles  
fait mettre en forme aīsi quil peut apparoir par icelles Ausquelles ces p̄sentes sont acta-  
chees soubz nostre cōtreseel Et soit aīsi q̄ depuis noz amez & seaulx gens de nostre par-  
lement a paris ayent veu et visite les pointz & articles dicelles ordonnāces. lesquelles ilz  
ont trouuees tresb̄tiles En adioustāt a icelles certains articles et modificatiōs mesme-  
mēt sur les. pp̄iii. pp̄viii. pp̄ix. et. pp̄xii. articles Par ce q̄ en la forme quilz sōt couchez  
ilz sont trop rigoureux et ne se pourroient bōnemēt obseruer ne entretenir sans le trop gr̄t  
dōmaige & interest des parties. Lesquelz articles aīsi modifiez & aucūns aultres par les  
gens de nostredict court nouuellement aduisez ilz nous ayent baille nous suppliāt les  
veoir & faire visiter et sur le tout en deliberer & ordonner a nostre bon plaisir Sauoir fai-  
sons q̄ nous ce cōsidere et apres q̄ auōs veu & fait veoir et visiter lesditz articles par auc-  
cuns gr̄s parsonnaiges experimētez ou fait de la iustice et en ensuyuant leur aduis &  
deliberation iceulx articles & modificatiōs Auōs voulu et ordōne voulons ordōnons et  
nous plaist de nostre p̄leine puissance et auctorite royal par ces p̄sentes estre & demourer  
en la forme maniere et effect qui sont cy apres inserez Cestassauoir l'article. pp̄iii. cōmen-  
cant **I**tem ordōnons q̄ en ensuyuāt les ordōnāces faictes par noz p̄decesseurs &c. sera  
entendu & eexecute soubz la forme qui sensuit. **I**tem ordōnons q̄ en ensuyuāt les or-  
dōnances faictes par noz p̄decesseurs q̄ tous nosditz p̄sidents & cōseilliers se trouuerōt a la  
saint martin sur la peine cōtenue esdictes ordōnances Et declairons & voulons q̄ quel-  
ques lectres missiues q̄ escriuions a nosditz p̄sidents & cōseilliers pour les faire demourer  
& retarder apres ladicte feste saint martin ou aller en commission durant ledit parlemēt  
pour lesdictes parties ilz ne cōtreuenient a ladicte ordōnance & q̄ soubz ombre dicelle ilz  
ne puissent pretendre ne alleguer excusation legitime. En declairāt les enquestes execu-  
tions darrestz et aultres exploits faitz par nosditz p̄sidents et cōseilliers durant ledit  
temps en contreuēāt a nosdictes ordōnances soubz ombre de nosdictes lectres nulz et  
de nul effect et baleur. Saus touteſſoiz aux parties dauoir leur recours respectiue-  
ment cōtre lesditz p̄sidents et cōseilliers pour les salaires a eulx payez & tous despens dōma-  
ges et interestz faitz souffers et soustenuz pour raison et a cause desdictes cōmissions.  
**L**article. pp̄viii. p̄mēcant **I**tē & auq̄l iour ilz appellerōt &c. sera aussi et demourera cō-  
me il sensuit. **I**tem et auq̄l iour ilz appellerōt avec eulx deux cōseilliers de chascune  
chambre Ausq̄lz no⁹ auōs charge & enioinct chargeōs et enioignōs sur leur hōneur & p̄ciē  
ce & le deuoir de leur office q̄ oultre les matieres desq̄lles audit iour de mercredi ilz doyēt  
deliberer & cōmuniquer selon ladicte ordōnance ilz regardēt aduisent & preignēt ensemble  
cōseil aduis & meure deliberation de ceulx de ladicte court soyēt p̄sidents cōseilliers ou aul-  
tres lesq̄lz en mesprisant cōtreuenant ou mettant a nonchalloir nosdictes ordōnances se-  
roient trouuez irreuerans & desobeissans a nous a ladicte court ou aux p̄sidents dicelle




ou qui seroient negligēs ou nōchalans de Venir en ladicte court aux iours & heures quil  
est requis et y faire la residence deue et ordonnee ou qui ne seroient leur deuoir de rappor-  
ter et extraire les proces et matieres dont ilz sont ou seroiēt charges Sans vacquer aux  
deliberations et conseilz de ladicte court: rapportz et oppinions des presidens et conseil-  
liers dicelle. ou que de leur auctorite seroient chose reprehensible ou destrogant a nosdictes  
ordonnances a lhonneur et grauite de ladicte court et des presidens dicelle. ¶ L'article  
xxix. commençant Item et ausquelz presidens. &c. sera et demourera pareillemēt: en-  
tendu soubz la teneur cy apres declairee. ¶ Item et ausquelz presidens et conseilliers  
ainsi assemblez que dit est Auons donne & donnons charge cōmission puissance & aucto-  
rite et expressement enioinct de remonstrer aux presidens conseilliers et aultres supposts  
de ladicte court quilz trouueront estre coupables des faulxes irreuerences & negligences  
dessusdictes et quilz verront a remonstrer et silz voient la matiere disposee et que le cas le  
requiere Sur quoy chargeons leur honneur & conscience comme dessus de mettre le iour  
ensuiuant toutes aultres expéditions cessans la matiere en deliberation en pleine court  
Pour par elle estre procede a la suspension et priuation doffice ou aultre peine selon lexi-  
gence du cas q ladicte court verra estre a faire par raison. Et en oultre enioignōs & mā-  
dons ausditz psidens et sur peine de nous en prendre a eulx q les dessusdictes assemblees  
inquisitions deliberatiōs et pugnitiōs ilz facent faire registre a part. dont voulons q de  
six mois en six mois nosditz psidens no<sup>r</sup> aduertissent pour en faire venir l'ung deulx ou  
plusieurs deuers nous si voyons q bon soit. ¶ L'article. xxxii. cōmençant esdictes ordō-  
nances. Item & affin que lesdictes nominations ou elections se facent. &c. sera aussi & de-  
mourera en la forme et effect qui sensuit. ¶ Item et affin q lesdictes nominations ou  
elections se facent sans faueur & fraude. Voulons et ordōnons en oultre q dorēsenauant  
lesdictes nominations et elections se feront publicquement de viue voiz et non par bal-  
loctes & q des trois parsonnaiges qu'on a acoustume deslire & nōmer ne se pourra nōmer  
ou eslire q vng parsonnage natif de nostre ville de paris iacoit ce que les semblables ar-  
ticles soient aultrement & daultre effect couchez esdictes ordōnances cy actachees Sans  
piudice toutesuoyes desdictes ordōnances en autres choses Et icelles demourās au sur-  
plus en leur force & vertu. Et oultre par laduis & deliberatiō q dessus & de nostredicta gra-  
ce puissance et auctorite royal Auōs voulu & ordōne voulons et ordōnons estre adioustē  
et mis mectons et adioustons avec lesdictes ordōnances les articles cy apres declairez.  
¶ Item et pource q auōs este aduertiz q du viuāt de nostredit feu seigneur & cousin le  
roy charles. viii. et dernier Aeste par luy dōne baille & octroye par importunitē ou autre-  
ment a plusieurs et diuerses personnes estrangiers & non natifz de nostre royaume plu-  
sieurs lectres de naturalite pour tenir benefices et offices en nostredit royaume pays et  
seigneuries qui nont encores este employees: et dont les parties se vouldroiet par aduen-  
ture efforcer deulx en ayder cy apres Nous voulās a ce dōner puiſion: actēdu q telles le-  
ctres et octroyz sont grādemēt piudiciables a noz ordōnāces sur faictes: toutes lesdictes  
lectres de naturalite pour tenir bñfices en nostredit royaume ainsi baillees et octroyees  
par nrēdit feu seignr ausditz estrāgiers qz quilz soiēt non residēs en nostredit royaume  
qui naurōt sorti effect Auōs reuocquees cassees & adnullēes reuocquōs cassons & adnul-  
lons & ne sen pourrōt ayder les pties qui les ont ipetrees pour lauenir en aucūe maniere



Les ordonnances de nos predecesseurs roys faictes en ceste matiere touchant les estran-  
giers demourans en leur force et vertu. **I**tem enioignons a nostre chancelier ou cō-  
mis a la garde de nostre seel en l'absence du grant que toutes et quantes fois quil sera mis  
difficulte en lectre de chancellerie qui sera rapportee par deuant luy par aucun des mai-  
stres des requestes de nostre hostel ou aultre que ce soit q̄ ladicte lectre ou lectres ne soyēt  
seeltees mais remises au conseil pour la delibérer. Suppose quelle semblast a nostredit  
chancelier ou cōmis bonne ciuile et de iustice: et de conclurre en icelle lectre a la plus grāt  
et saine partie des voïx et oppinions des assistans audit conseil ainsi qu'on a acoustume  
de faire es matieres qui se concluent et determinent en nos conseils et cours de parlemēs.  
Voulās et declairās que lesditz articles cy dessus inserez ainsi nouuellement mis et ad-  
ioustez soient entretenuz obseruez et gardez et soient d'autel effect vertu et valeur que s'ilz  
auoient este ou estoient couchez esdictes ordonnances cy atachees. Et lesquelz quant a  
ce auōs auctorisez et auctorisons par cesdictes presentes Par lesquelles dōnons en mā-  
demēt a nos amez et feaulx p̄seillers les gens tenās nostre court de parlemēt a Paris q̄  
nos p̄sens declaration vouloir et ordōnāces esdictes modificatiōs et adiūctiōs p̄tenues  
en cesdictes p̄sentes ilz entretiēnent gardent et obseruēt ou facēt entretenir garder et ob-  
seruer de point en point selon leur forme et teneur tout ainsi et par la maniere que dessus  
est dit sans y faire difficulte. Et saucun empeschement estoit fait mis ou donne au con-  
traire. se facent reparer et mettre au premier estat et deu. car tel est nostre plaisir non ob-  
stant lesdictes ordōnances et sans preiudice dicelles cōme dessus est dit Et quelz cōques  
aultres restrinctions mandemens ou defenses a ce contraires Et pource que de ces pre-  
sentes len pourra auoir a besongner en plusieurs lieux Nous voulōs que aux v̄d̄imus  
dicelles faiz soubz seel royal soy soit adioustee cōme a ce present original. Auquel en tes-  
moing de ce no<sup>9</sup> auons fait mettre nostre seel. Dōne a Paris le trezieme iour de Juing  
Lan de grace Mil. CCC. xcix. Et de nostre regne le secōd. Sic signatum par le roy  
monseigneur le cardinal damboise Larceuesque de sens. Les euesques dalsby et de lucon  
Les seigneurs de gye mareschal de frāce et du bouchage et aultres presens Robertet. Le-  
cta publicata et registrata Audito pcuratore generali regis Parisius in parlamento in  
eo domino nostro rege sedēte tredecima die Junii. Anno domini millesimo. CCC.  
nonagesimonono. Sic signatum Pichon.







softh  
spab  
ula

r  
me

front  
wand  
2th

cm 1 2 3 4 5 6 7 8 9 10 11 12 13 14 15 16 17 18 19 20 21



